

碑

職官

文苑英華

九百十一至九百二十



文苑英華卷第九百十一

碑六十八 神道二十九

職官十九 都督一

周河州都督普屯威碑一首

唐并州都督尉遲恭碑一首

周柱國宿國公河州都督普屯威神道碑銘 并序 庾信

公諱威字某河南洛陽人也舊姓辛隴西人基若水之源
纂商丘之曹邑于大亳實定其居封于小辛乃成其姓是
以三川被髮辛有得見事之機八卦占爻辛廖有知人之
鑒佐治以東都上將魏帝解衣武賢以西國功臣漢王推
轂祖大汗武川太守考生河州西面惣管大都督隴右貴
臣河西鼎族公侯躡躡武岳牧連鑣並得聲振長榆名雄
高柳公秉靈山岳誕載星辰結髮嶷然齧年成德澄波萬
頃建標千仞鋒穎既高光芒已遠青衿學劍既為人主所

稱童子論兵即在中軍之策永熙元年入仕蒙授直盪
都督太祖文皇帝雪舊君之耻連西伯之功始裂鴻溝初
登函谷公濯衣沐髮杖劍轅門撤洗足而相迎下賓階而
顧問自此即居帳內仍爲直寢授寧遠將軍羽林監白土
縣開國伯邑五百户大統元年從迎大駕進爵爲侯增邑
三百户蒙冠軍將軍散騎常侍轉大都督公善於用兵長
於撫御自攻洛陽定弘農戰河橋平沙死冒刃衝鋒前無
橫陣況以弦木六鈞函犀七屬門多懸曹箭必中鞍山
積器械谷量牛馬軍吏計功司勳賞策授使持節銀青
光祿大夫進爵爲公增邑八百昔者受律赤符韓信當千
里治兵白帝張飛擬萬人皆比於今日公之謂也五年授使
持節都督揚州諸軍事揚州刺史浮於一作江海達于
淮泗籛蕩旣敷瑤琨即序十三年授車騎大將軍儀同三

司尋遷驃騎大將軍開府仍賜姓普屯即爲官族入陪武
帳出總戎韜置府於陽關張旃於瀚海故得上書於漢即
用同宗爭長於周還無異姓十六年授鄜州諸軍事鄜州
刺史俄遷河間刺史公頻煩兩牧風政神明虎去西河梟
移東郡河湄瑞氣特表廉平鄜祝神光偏明正直及乎魏
終天祿周受惟新明命已遷彝倫或革周元年改授大將
軍抱罕郡開國公增邑一千户軍中受詔非論北伐之功
大將登壇無待東歸之策置太平開陰晉之道連兵廣
武納滎陽之城校戰丹山移營白壁莫不勇冠三軍名凌
五將保定四年授寧州總管掌其北門旣爲鄭國所委捍
其西鄙無懼秦寧之逼是以築平綱之城衛人拱手戎榮
波之澤梁氏寒心朝廷與公有內外之親令公從戚里之
貴乃以魏文帝女爲公夫人遂得長門之左別開公主之

園濯龍之傍便有王姬之館五年被徵入京拜少本傳司馬
期於司武以公爲魏絳佐於中軍以公爲荀首豈直謂之鷄
火稱之縉雲而已哉其年被使領兵出西京州奉迎突厥
皇后紀制疑裂繻來卿爲君逆稱族而行尊君命也天和
元年授柱國拜大司寇楚之柱國方之南火軒之司寇
譬以西雲總授於公能官人也建德二年授少傅四年授
河州總管都督七州諸軍事即爲河州大中正公之桑梓
本于此地再爲連率頻仍衣錦襄城龍種更反池臺桂陽
仙人還歸鄉里故老親賓酣歌相慶安車駟馬天下榮之
宣正元年授上柱國更加少傅配于上相既陪玄扈之圖
居于帝師實有圮橋之策改封宿國公食邑并前五千五
百戶射鴻舊圃舞鶴餘城既浮酸棗之河聊對淇園之竹
來朝建章則天子降席出遊戚里則群公下階是以行蒲

天地名聞四海方當光輔五君參謀七政天厲弗戒薨于
所居春秋六十有九柳莊告殯傾社稷之臣鄭僑去亡得
諸侯之禮詔贈某官謚某公禮也以今開皇元年七月某
日反葬於河州金城郡之苑川鄉山行隴底地入塞原望
積石以緣河臨崆峒而下坂玄甲黃腸崎嶇亭鄣及玄奠
徹方勞榆沈若夫樹反壤也封夏屋焉終湏潁川之碑乃
見華陰之碣世子儀同永達孝性有聞居喪得禮嗟海變
而田成懼山飛而地絕勒石墓田乃銘云爾

少典柔孫玄王之子星貫於月金承於水降及于周公侯
復始風俗氣候山川表裏河連積石山帶崆峒秦亭北上
漢使西邁金行氣壯地勢人雄稜稜高節凜凜踈風祖考
藩屏濁河清渭兩地謨明雙流光貴水無別色雲無異氣
爲吏爲民惟懷惟畏公之嗣世實秉英靈降神中嶽迴文

列星鸞翔風顧珠角山庭臣深義本子極天經洛城戰陣河橋旗鼓箭飲石梁劔燃銅柱並麗六廩俱抽雙虎玉門開郡陽關置府再爲上台兩爲少傅模範帝師經綸國步允襲峻德欽明審諭不吝車茵誰言溫樹天道茫昧年齡倏忽上將星開功臣鼎沒九原陵阜三河甲卒地險龜林營危馬窟西州未別北闕長辭山張虛蓋野祭空帷陵原地迥松路風悲銘于碣石勒以貞龜

唐并州都督鄂國公尉遲恭碑

許敬宗

蓋聞嶽靈昭貺協其神者申甫緯象騰斌含其精者伊傅用調芳玉鉉增耀金符譬八柱之承天猶四溟之載地是以郊郊創曆冥契非鬻一作熊之兆沛野開基鬱會攀鱗之傑莫不凝徽簡策篆勳戈鼎光裂一無此字河西而濟美期礪嶽以疇庸若迺經啓眷圖彌綸聖業苞兵師於丹水夷餌石之

祇渠振文策於烏江掃技山之巨稷柳揚七佐鎔鑄五臣

致我后於勛華軼前脩於樊濯名高絕代其在忠武公乎

公諱恭字敬德河南洛陽人

唐書作朔州善陽人

也原夫玉冰靈長控昌源

於弱水瓊基峻遠峙層構於軒臺叶粹氣以擒賊橫威朔野

奄崆峒而擅武跡跨中原亦猶江馬南浮圖基巨麗溟鯤

北運激勢扶搖是故軒冕傳華半神州而交尉忠良秀美

粹帝里而馳芬與夫由余去危斥剪鷄而作霸日碑受顧

光珥貂而累葉考諸聲實固不同年而語也曾祖本真後

魏中郎將冠軍將軍漁陽郡開國公贈中外六州諸軍事

一作謚曰懋道粹黃中寄侔丹化襲徽章於珪瑞飛茂績

於鍾鏞大父益都北齊右兵郎中遷金紫光祿大夫入周

濟州諸軍事濟州刺史雕鏤杞梓黼藻人倫用匪齊鈞亟

深微管之寄價符趙壁愈擅入秦之美考伽隋授儀同三

司衛王紀室皇朝追封常寧安公贈汾州刺史幽州都督
材緯三端揚鑣武庫位階二命頓轡文房下調悲於李葉
飾壤昭於昌運故知壯氣猶生貫千秋其尚想名臣不作
瞻九原而增悼再縛剖符之贈式冠封墳之典公鄧林抽
穎崑嶠疏源非假七齡早鬱凌霜之幹爰滋九潤先孕聯
雲之寶瞻言廣術企列戟於髡初屬想傾義俯迴戈於度
內雄姿岌嶷覆篲裁規沉勇潛貞涌泉韞量飭躬由禮檢
性依仁匪衛技於齊挑亟翹誠於孟荀言泉河瀉應千里
而無違俠氣颺騰輕百金而有裕加以鈐符玄秘劍術精
微偃月疏營右澤左陵之勢浮雲寫陣鵝張鶴列之奇莫
不夙契靈臺暗窮神奧由是譽光日下聲蓋秦中而翠虬
驤霧必先階於尺木紫鷲追風初發蹤於步武爰膺執戟
之選以効棄觚之節蒙授元師都督拜朝散大夫轉正議

大夫加銀青光祿大夫大業十二年也未展雄飛載羈下
列何異乎九色呈瑞儷彩司晨一角効祥儔蹤警夜俄而
運鍾旒冕疑政弛永疑衣大浸襄陵長虹貫日公迺行吟
梁父希管晏以思齊屈跡淮陰俟蕭張而佐命皇家補傾
極振顏綱提劍風驅梭旗電掃劉武周不稽天氣寔暗人
謀慙窮轍以抗威臨焦原而自逸公見縻昏偽迫以驅馳
取譬辛毗甫依表而免矣同夫馬援聊寄隗以偷全尚鞠
醜徒據其危堞太宗俯離鳳邠親御龍韜軍次介休將屠偽
邑早欽英略深嘉義勇飛箭以一作繼皇威校金以申同德公
鑒窮無象識照先機一作西楚之如狼陬角張之吠犬遽
歸真主期乎定大權授秦府統軍于時帝道惟新王途多
故瑞雞之野式靜雲雷獻蜃之川未均霜露最爾凶狡久
肆回邪載動神兵龔行天罰救楚妙筭雖獨運於冲襟授

律宏規固思憑於猛將乃以公為行軍惣管導彼前茅一作旌追奔若順海乘茲破竹潰敵如決河積甲齊山中嶽由其咸定封屍築觀王城於是乂安飲至鎬京策勲居寂所賜金帛蓋以千箱其後六統偏師五為惣督北殲猾夏南廓滔天戮鯨鯢於洙泗溺駮驢於漳滏所向風靡賞越彝班時外難初康內釁方兆春坊階亂構禍深於矣園李屏窮凶為嘉尤於傲象公早參帷帟思固宗祧驟起聖懷累明大義九年六月二凶伏辜雖天道禍淫蓋賴君之筭也擢拜左衛大將軍兼太子左衛率貞觀元年授右武侯大將軍屯兵數萬咸令統領職歷二官兼司七校龍彘靜柝惣禁旅於瑤山馬珥臨戎肅嚴兵於錡禁於是威馳銀虜寵峻金吾拜上柱國吳國公食邑三千戶實封一千三百戶若遷疑補曰疑疏峰奄衡巫而廓鎮雷導風一作驅區遇瀉江漢

以成池餘涵輝明珠韞媚是稱奧壤獨擅雄州佇寄惟良以敷景化連師之重僉曰爾諧貞觀四年授襄均鄧浙唐五州都督襄州刺史班條驚俗載屏丹帷虛犴遷澆寧因赭服布中和而驛化決旁潤以馳威惠澤潛通吐浪由其絕渚仁風普暢嘯谷所以浮江弛風牘於東臯歲儲京庾契成鱗於西序家知禮讓道彼湘沅俗均鄒魯里稱冠蓋既洽叵謠地接股肱佇求八瘼八年授光祿大夫行同州刺史封建功臣改封鄂國公冊拜宣州刺史昔炎周裂壤滎陽戎十邑之庸有晉疇榮壯武峻重封之典校其優劣詎可扶輪累遷靈邸夏三州都督懋茲宏德亟牧大藩控十角於星街信覃玄塞惣百城於天塹義偃朱方端委之風褫危冠而變俗檀裘之長棄鳴鏑以歸仁乎紫封流渥朱輪徒傳莫不情深惜冠戀切留黃可謂柔遠以德人稱

遺愛者矣既而俯鑒忘筌景文成之戎躅深惟蒲器躡太
傳之高蹤漏促銅儀循良夜之不迨體安玉杖諒坦路之難
追奏擬青規辭榮絳闕特迴天睠賜一作肆其誠請於是冊
拜開府儀同三司禮秩加等已而從容廊廟怡暢丘園架
壘圖蓮䟽池寫箭後堂歌吹通逸響於南鄰別業林泉接
芳陰於西第加以陶風元穆勳胄兼之里遂高陽門承通
德故能聯姻瑤腑結慶璿枝榮亞元吉寵班右威清樓聳
構遙通婺女之津黃閣疑扉近接天孫之館長筵綺合韋
珠與謝玉交輝廣廡雲浮舞籥共攢金遞奏庭烏効杜燮
曜槐端隙駿流年俄潛柳次嗟乎巨川既濟奄遷舟於夜
壑高臺遽傾倏摧梁夢奠粵以顯慶三年十一月二十六
日遘疾薨於長安之私第春秋七十有四皇上情切宗
臣痛深國老舉哀別次罷朝者累辰昔平仲云亡趨輪軫

勸宣尼告逝述誄申哀未足方此撤懸喻斯輟祭追贈司
徒司曰飾終之典實屬於勲賢追遠之恩光歸於令望故
開府儀同三司上柱國鄂國公敬德志局標舉基宇沉奧
忠義之節歷夷險而不渝仁勇之風雖造次而必踐迺誠
申於霸府戎績展於行陣西漢元勲韓彭非重東京名將
吳鄧爲輕著恭肅於軒陛馳聲猷於藩岳方隆朝寄之榮
便追止足之分闡雄林而兼濟植高操而孤往道映千古
譽光百辟與善俄褰殲良奄泊末言遺烈震動于心宜崇
禮命式旌幽壤可賜疑作贈司徒使持節都督并蔚嵐代等
四州諸軍事并州刺史餘官封並如故所司備禮冊命給班劍
四十人及羽葆鼓吹贈絹一千五百段粟米一千五百石
陪葬昭陵葬事所須並宜官給并賜東園秘器儀杖鼓吹
送至墓所仍送還宅并爲立碑仍令鴻臚卿瑯琊郡開園

公蕭嗣業監護光祿少卿殷令名爲副使務從優厚稱朕
意焉又下謚詔曰名以實稱事光於前典謚爲表禮縟厚
於尊言故傳聞強立少傳擅文成之美行剛服遠冠軍膺
景栢之賜故開府儀同三司上柱國鄂國公贈司徒并州
都督敬德襟宇宏劭機神秘遠氣茂莫果情馳義烈闡雄
圖而贊業標峻節以凝功道叶宗臣望隆時宰爰升九命
之寵宜享三尊之位福謙從悼往增酸奉上危身誠許國
之貞操安人和衆亦經邦之懿範詳式茲典錫以大名可
謚忠武仍遣使特節備禮告柩以顯慶四年歲次己未四
月丁未朔十四日庚申陪葬于昭陵禮也惟公資和清粹
稟銳雷霆勇冠六軍不失獨夫之色志澄四海期於萬里
之外登范車而繹慮蕪陳室以栖情蒼壁內融負責冥
其非遠白珪外審體黃裳而愈固藝或微而咸綜技雖末而

旁該象弭初鬱先宇卧石魚文且擊遂引飛泉檀杠鼎而
推雄掩蒙輪而効捷觀其事親孝事君忠居身節與士信
識通其變遠鑒窮於未形智括其神臨事期乎不測非外
物之收獎咸宜體以自然運屬艱虞披荆而扶帝業初宣
草昧借箸以沃神襟載扈升而爰參誓牧掩孫吳而高視
轡韓白以長驅是以捨代偃齊似青丘之吞夢澤摧堅劔
銳猶黃間之穿魯縞祥符棒日亮堯景而增輝道契從風
燮虞黃而演化故能丹書誓策青杜疏榮位兆銜諸資五
申而統律寄深錫壤按十部以宣風年暨抽簪禮優執醕
懸輿勝躅昭戎寵於安車納駟高門峻朝章於行馬斯所
謂遺烈可紀今終有俶者歟有子右領軍將軍寶琳鳳羽
擒姿龍媒駿逸丞相之子道懋傳經王公之孫望高倒屣
掩八屯而効職副九列以騰芳履孝揚名克隆華閥顯親

穆譽爰樹豐碑紀德廬山載表戎陵之域題貞畢百式分
京兆之丹旆令過客披文立名可則故懷斯惠望拜知歸其
銘曰
商周龍躍尹望鷹揚風雲冥感鱗翮曾驟於赫皇祚提植
會昌錫茲元弼勳烈推光戎德初誕英徽早暢狼宿擒精
龜文協貺棄繻關下受符圯上秘策金韜騰猷玉帳貞心
孤劭猛氣橫飛長戈三捷雄戟雙揮蛟分承影鴈落忘歸
韞竒佇眷屈跡乘機鸞起射天妖凝闕日明一光啓半千
秀出道契披棒功宣授律冀北先馳圖南載逸受脤揚威
專征耀武馬陵削樹鳶方鑄柱雲卷鳴祠風驅嘯雨靜稭
破竹銷氣玉弩戎衣式定河帶同盟望高四復寵峻千兵裂
壤粉邑分麾柳營網羅方邵躡跡良平出建隼旗入參鳳
輦名班贄玉賁光儀鉉朱戶吟笳青門樹冕金裝甫散琤

霜遽踐昔恭丹宸載奉薰琴今陪玄壑空悲穀林紛紛禮
縟杳杳光沉閨桐永闕宰樹方深瞻言史策遠振徽音

文苑英華卷第九百十一

登仕郎胡 柯 鄉貢進士彭 叔夏 校正

文苑英華卷第九百十二

碑六十九 神道三十

職官二十 都督二

瀘州都督王湛碑一首

潭州都督楊志本碑一首

瀘州都督王湛

集作湛下同

神道碑

楊炯

惟漢高帝應天順人祭蚩尤於沛庭斬大蛇於豐澤則豐

沛之豪傑乘於慶集作慶雲矣惟漢光武龍飛鳳翔舉新市之

八千破王尋之百萬則南陽之佐命動於一作于天矣我高

祖神堯皇帝以唐侯而建國從晉陽以集作而起兵協和萬

邦光宅天下則太原之衣冠有大勳矣公諱湛字懷元太

原晉陽人也十一代祖卓晉給事中母常山公主河東有

湯沐邑因家焉葬於長壽原故鄉有太原之號皇業伊始

公以中涓從事集無事字賜田鄠杜間今為雍州人也昔武王

定於下人太子賓於上帝基一作因豐鎬而開國籍集作籍神

仙一作命氏霸則司徒所讓位天子所不臣相則孝第

於閨門務學於師友豈直橫江斬將南登建業集作難之臺

玉食金溝北徒邛山之宅自茲厥後數百年間國移三統

周人共推其代祿家徙五陵漢朝不易其冠冕曾祖邁後

魏中書侍郎彭城王府司馬周春官大夫都督晉陽侯祖

亮本州主簿司木上士隋贈信州刺史大名華於東魏天

命集於西周宗伯所以辨其儀林衡所以平其守父綽秦

孝王府掾仁壽宮監離石郡通守晉陽侯皇朝石州刺史

逆賊劉武周攻陷郡城因而遇害贈代州總管謚曰烈侯

禮也天造草昧王業艱難周師纔至於太原胡兵遂入於

離石負戶而汲不能定西戎之禍折體而纓不能解南楚

之圍在者殺身以成名事君集作君子有死而無貳公承聖賢之

末代一作代屬喪亂之弘多天子乘輿方清秣陵之氣諸侯

斧鉞莫救驪山之烽國有命而何言邦無道而斯隱大業

之季本州察孝廉非其好也高祖乃操斗極拜圖書再駕

臨於孟津五星合於東井公解衣而濟杖策而行酈食其

之長者逢漢祖而長揖袁曜卿之茂才見曹公而不拜從

平霍邑授金紫光祿大夫入長安加左光祿大夫歷丞相

相國二府典籤參軍事高祖受禪擢為通事舍人通直散

騎侍郎封金水縣侯食邑七百戶稍遷虞部郎中丁烈侯

艱去職尋起為隴西別駕七字集作尋起為西韓四州治中轉隴隴二州別駕商鄜

二州刺史上柱國荊州大都督司馬冀州刺史定其封

邑誓以河山一作山蕭相立功於萬代留侯決策於千里願

持一郡洛陽之任耿純兼攝八州江東之拜陶侃龍朔三年

遷使持節都督瀘榮溱珍四州諸軍事瀘州刺史江陽

縣地一作郡瀘水提封叅伐下而爲益州岐山上而爲井絡

尺兵再戢黃昌兩日之歌樂木斯來景伯三年之化功成

露冕歲及懸車歎踈廣之知足慕邗奚之請老軋封二年

上書乞骸骨詔公祿賜同京官仍朝朔望天子歷吉日協

靈辰郊上玄祀清廟詔公行太尉事國之大事攝在宥司

蒼璧黃琮六玉以昭天地路鼓陰竹九變而祠祖考名遂

身退居常待終山川則羣望並走星象則中台夜坼春秋

九十有三以咸亨三年集作來七月十七日薨於京師未

崇里謚曰敏集有喪事官給賜物三百段米粟三百石葬

日車服往還有司監護公幼鍾偏罰毀瘠過人八歲讀詩

至無母何恃廢書慟哭歐血數升逮遠事繼親孝聞州黨

恩深母子比王元之事親夢感天婁集作等行集作卿之至孝

年纔一紀有若成人吏部薛公見而稱歎潁川之司馬

德操早知劉廙譙國之夏侯泰初深歎集作樂毅兵次霍

邑力戰有功高祖嘉之賜良馬一疋進圍京城爲伏弩所

中高祖臨視賜物三百段流血及屨未絕鼓音左輪朱殷

豈敢言病武德之始奉使嶺南馮盎等稽首稱臣獻琛奉

集作執集作贄舍人薛卓遇害北庭詔公責問單于謝罪賜黃金

五十斤雜綵二百段南踰漲海北度陰山太中大夫去尉

佗之黃屋高車使者作匈奴之鐵券離石之難也枕干而

寢見星而行號泣不絕聲者千里水漿不入口者數日同

武陵之任襲入構諸羗異河內之張武空持遺劍吳遠由

其得名王裒以之攀栢冀州境內舊多淫祀褰帷按部申

明法禁詔書遷秩百姓攀車立廟生祠樹碑頌德亦猶察

巴典郡山鬼潛移張禹牧州江濤不起公出身六十載遺

愛二十集作州遂罷方岳之官仍居上台之位始於撥亂

伊尹之輔成湯終於太平軒轅之得風后然後拂衣高蹈
躬覽載籍著遺誠八十張盛行於代法文王周易之變象
尼父孝經之篇窮性命之理盡天人之際莊周著論生也若
浮史佚立言沒而不朽越文明元年二月十七日陪葬於
獻陵禮也長子朝散大夫行扶風令遐觀等生芻一束泣
血三年不踰聖人之禮能行大夫之孝京兆載開其新阡
昆吾用昭其舊德百年宮室宛在章臺之東五校軍營依
然茂陵之下其銘曰

昔在湯武阿衡尚父下及高光蕭何鄧禹皇天眷命赫矣
高祖惟岳降神克先元輔攻城野戰張飛關羽奇策密謀
荀彧集作賈詡始陪營衛仍參幕府旌節龍沙軒旗象浦
出臨方岳入調風雨其生也榮池臺鍾鼓其死也哀陳
兵復土孝乎惟孝無父何怙刊石勒銘永傳終古

潭州都督楊志本碑

嚴識玄

惟天子主萬邦家六合內有百揆四岳外有州牧侯長所
以奉若天道綏厥兆人潤飾宏業光發徽頌昔漢宣帝憫
難息之聲晉武皇緝垂拱之化以爲統世御俗政平訟理
與我共此者其幾良二千石乎於戲揚公德邁其職振文
翁黃霸之風粹迪郭賀賈琮之道精砥慎財賦而行其禮
典肅恭明神而敬事耆耄旌別淑慝卑園克畏慕可謂其庶
乎博施於人而能濟衆者公諱志本字文範弘農華陰人
也其先出自周姬有伯僑者享封于晉食邑於揚命氏立
宗權輿自此夫泓源瀋泉則派流括地盤基穹麓則峯岑
入天是以德富者其胄霞繁英多者其族雲蔓故朱輪溼
彩通侯震於十人白環深慶太尉傳於四葉天才雄逸自
得曹植相推地望增華趾與王珣爲比曾祖晉陳內史舍

入臨海王府長史開蓬獎遂交愛等九州刺史武康節公
隋贈上開府儀同三司青冀等五州刺史有集行於代
有詩入文會集精詞偉賦詭豔瑰音偶鄒陽之曳門代徐
邈之居省割珪符於比景暴俗知歸聞鼓吹於中霄異朝
加贈大父林甫陳貞威將軍廣州都督隋上開府儀同三
司渠芳等五州刺史上郡北平等五郡太守皇朝營州惣
管絳州刺史上柱國宜春郡公邑五千戶自吳飛楚聲軼
湛盧從趙入秦價先和氏江南舊國委崇章於大樹關右
新君延茂秩於開府既而隋網就弛唐讖行街公坐聽虵
分暗一作皓期龍躍同荀彧之去紹來議深根等馬援之辭
囂歸陳聚米高祖神堯皇帝深多決勝寔念疇庸冊命且
隆法一作降三光而折壤楮良是屬寄千里以專域烈考琮
皇朝秦王府庫直太宗文武聖皇帝贈感舊賦一道詩三

篇歷茂梓二州長史汚綏二州刺史上柱國叶贊經綸預
叅康濟取純自結早申獻帛之誠吳質舊遊時蒙柱騎之
眷憐旗長戟門巷紛紛芝蘭玉樹階庭鞞鞞公吸太和之
英液稟高明之淑氣松骨始萌早抱凌霜之操瑤精在璞
更爍成虹之彩岐嶷自深惟友一作變友惟孝蒸然純至日戎
豈待乎浸潤之功而後滋也年甫六稔即丁內艱號不
輟聲泣下成血絕漿絕粒毀劇成人大連少連曷云克邁
自是名韻激射藝實汪洋希風者刮聽而彌仰挹道者洗
而欣契杜安登學貴戚咸遺其書王粲在門中郎遽倒其
履格不期峻而且一作直高標削成量不期深自有天琛水
恠施之於夏屋則可以麗桶編櫨排之於大川則可以衝
濤截波矣年三十以右親衛調補石州司法叅軍鵬圖未
騁鴻漸初升惟敬五刑以成三德習于公之待封憲陳氏

之特寬樓煩之南咸知審克離石之境自以無寃轉柱州
都督府法曹叅軍清棘犴察梧囚明慎用刑而不留獄
都督周道務以公水襟同潔石性渾豎庇惡木而深耻飲
貪泉而不易奏充嶺南市閣口珠玉使恍恍五嶠皇皇百越
路窮南服境淑西屠握水衡之錢權御府之產歷剖蚌泣
鮫之巨漲窺結綠珊瑚之怪穴自異時魁傑之士以事而
臨其地罕有聲背於黷節全其貞將軍北旋猶見猜於意
茲大夫南使亦受遺於金裝而公散國財市蠻寶混之不
濁涅而不緇易生人之所難凜然有伯夷之風矣以外憂
去職百里而趨三年無改長輿哀一作良苦國主念以增憂
次翁服竟郡守逼而方釋服闋授始州司法叅軍公九章
惟精故三政居理小大必察洽于人心紫蒙軍大使駙馬
皇朝秦王充營田判官考蓄畬相墳衍申李李盡力之教

行商鞅急耕之賞候乎落花勤深曳棘故軍賴滋殖人無
阻飢轉揚州高郵縣令加朝散大夫遷雍州吳原令道德
齊禮風移俗易野翟依馴災蝗折去鑠庫兵以爲器彈鳴
琴以坐堂淮海之邦衆斯悅矣奏雍州司士邑人斯附矣
遷邛州司馬兼庫平軍靈關道度運糧使一作七羗九
兵一作丘時間暴梗街師鍊卒武張威防密往通蜀窮關抵
駝歷嚴道之邛崃緣漢嘉之析坂滑壤沮塗一作坦且疑泉
覆遙澍不開莫殊天漏公審樞中筭廣蓄邊儲率檐夫竦
餽卒膺儻膺有腹陞危魚頡鳥鳩輻轡不絕軍戎以濟
豈慙流馬之功才幹方申猶兼展驥之任轉始州長史限
以劔閣阻以石門張載勒銘之所范睢通棧之地邑戶遷
逃鄜里踈寂版籍徒紀征賦缺如公緩之斯懷集之斯至
墳無輟享之鬼家有戀本之夫邦國不空既賴王祥之績

吾無憂矣寔唯蔣濟之能制公檢校棣州刺史俄而東胡
叛換北狄猖鷄鈇虎飛海颶雲拂殘破城邑殺略吏入激
傷血於燕冀鋪割齒於恒碣兩河之土崩矣百姓之心搖
矣則天皇后有命分麾寘懷撲燎班告羣后時惟念哉
公拜書雨泣杖節雷啟申畫郊圻脊固封守威以震敵惠
以保甦故得境內無柝聲野外無塵影猶祭彤之有勇虜
不敢窺若李廣之能飛寇恒警避賊平授使持節蘄州刺
史蘄川蕪迴楚風輕亟磯連黃石之山江帶青林之浦公
敷國典麗朝恩斟化源撰猷懿鎮動以德闔郡知方息
競以義衆事收教貪殘盡去自使乳虎浮江災疫不生
即有牽牛入界尋除都督潭衡等七州諸軍事潭州刺史
建麾涉境先求異行停輿決訟應變如神興廢唯降其一
書得失每詢於三老且青陽舊城白鷺通浦控引江嶺括

集山谿交賀所競冠蓋斯雜示之以無欲盜子悅化以歸
農激之以至淳淳客感携而請賦故年景未及於周次風
化穆著於衡湘矣公以老浸生危官疲神耗深惟退身之
誠頰奏乞骸之表制曰潭州都督揚志本歷官歲久懸車
禮及宜遂請老之誠以就歸閑之美可聽致仕於是高謝
方鎮卷懷條察椒圖輕舸特一作將去江潭言念安車展游
田里而災禽集舍息馬歸山長沙捐壽昊天不弔維長安
四年秋八月十七日薨于州館享年七十有七號黎沸境
慟庶萎庭莫不若棗慈親願行襄經雖倉慈旣歿激深慕
於圖形郭伋云亡注墮思於配社亦蔑茲尚也惟公姿範
端凝精符朗秀器含經濟而緯以斯文才抱圓通而幹以
洵直弘虛受以廣納資用晦以冲謙遊其域則童幼警其
卑野賤忘其窶泳其波則驕代以酌損剛疾以克柔瑰節

霜明偉尚煙竦橫德輝以爍邦族鏘嘉聞而滿區縣學成
淵海隔風雨而恒觀辯若奔濤鑄鍵機而不發常慕汲黯
寧爲管仲維迹在公匪懷私已率誠任道深析利物位愈
高而魂益厲績旣凝而心更勤食不貳味居不重席俸祿
必散於孤親車馬共弊於同友寔漢元以來未有若斯人
也夫人昌寧郡君河東長孫氏周尚書左僕射鄆國公儉
之孫也體備柔閑道鍾清懿言而可式動必禮由纖累不
挂於心浮侈豈迴其首肅侍巾櫛勉執紘紼一承姑獲
直蘭而必獻拳一訓子見俎豆而斯寧義溼旁周仁光下
逮允釐中事載穆其序端儀麗軌抑不可選歟悲夫朝露
未晞雲無處所同辟司徒之室初得賜封在李武子之階
終聞許合以大足元年終於鄆州官舍春秋六十九粵神
龍元年八月二十五日合柩于咸陽舊塋禮也田䟽畢陌

樹鬱平陵立石前傾依然哭鳥之象野墳旁隱別爲埋鹿
之標有子前永州司功景前左勳衛鉉一作鎮等鳳毛齊整一作燭
麟角早成孝思旣深觀行無缺勤兼叔度遙迎蜀漢之喪
潔比清沖不受源州之贈封樹畢矣晨昏已矣永言報之
誠罔極矣將憲乎讒鼎景鍾之迹茲所以昭德紀功之義
迺虔集洪懿俾勒于翠石敢旌不朽焉其詞曰
龜文爍電龍友風三軍可指千里易窮疇克光配洪惟先
我公侯宗磊落襄系豐融世有象賢門傳清白牧守連起
采章重赫義叶奉圖寵深同席德邁不匱慶流斯積昭哉
嗣服穆穆厥聲恪慎克孝資忠以貞回涯江淮朗節霜橫
儒林直秀吏道旁精爰視決曹志清叢棘人有哀淚形無
愠色肅傳皇皇飲冰翼翼屢酌貪水寧罹譖意典農燕塞
轉食邛郵稔應銅雀邛峽木牛自此康海旋移蔣州人安

偉化虜懾雄謀昔離斬服去思猶詠今鎮湘潭來歌轉盛
府吏歸殖江神斷娉辭懇今行恩愈謝病如何迅息不享
期頤鷹隨牽旒虎送還輒短矣清室孤魂久發既詢鄒毋
雙棺合茲濟昧真宅穹崇立冢客土新封行椒舊拱惟哲
嗣考精孝泣旻天考思重仰稱伐考昆吾琢貞石考岑竦

文苑英華卷第九百十二

登仕郎胡柯

鄉貢進士彭

叔夏

校正

文苑英華卷第九百十三

碑七十 神道三十一

公職官二十一 都督三

夏州都督太原王方翼碑一首

贈太尉益州大都督王仁皎碑一首

廣州都督甄亶碑一首

贈廣州大都督馮象衡碑一首

贈安州都督王仁忠碑一首

夏州都督太原王公神道碑

張說

良玉禮神用之西序之器捨之南山之璞罔然不有其珍
也君子安命進之杆城之雄退之去國之老隕然不失其
正也語夫杖運以行道屬辭以比德亦何代無其人哉公
諱方翼字仲翔太原祁人王周之後也王子以敗狄受姓
徵君以遁世爲名司徒之濟艱難義形漢室太尉之圖舉

甲心盡魏朝聞蔣濟所言則知尚書志力兄弟繼美覽周
書所載則見穎川忠烈子姓集作姪皆封臣節奮揚於百代家聲
籍甚於四海大王父司徒定公秉隋氏之崇也王父駙馬
開府文公裕先朝之懿也考特進慎公仁表皇室之甥也
公開惣四岳之靈帝子分五潢之氣是生時傑鬱為入紀
公雄姿沉毅稟難犯之色虛懷信厚坦招納之量識略精
斷達應變之權神守密靜堅不奪之節孝友內兆於免懷
忠敬外灼於既冠加以思叅造化誠合鬼神文其詩書武
其韜略推此才也以從政焉永無遺矣集作末夙遭家難
哀過柴瘁京師號曰孝童王母同安長公主引貴遊之誠
示作集作其苦之端命命字集夫人徙居郿墅儲無斗粟庇無尺椽
公躬率傭保肆勤給養銀山出田燎松鬻墨一年而良疇十
畝二年而夏屋百間日舉壽觴馱珍膳矣處約能久不亦仁

乎在困能亨不亦智乎永徽初始宰安定誅毫暴以育人
察姦宄以申寃異政三舉清風一變除瀚海都督集作護府
司馬以母疾辭職為姜恪秉便遂徙朔州尚德府果毅歲
餘王本立上書理公國之悖孝不宜擯抑有詔徵還而親
不待心與哀絕氣屬禮存詔御醫孟默朝夕診視免喪逾
年僅堪履立樂成公東討新羅薦為將師詔公持節雞林
道惣管軍停不行授沙州刺史未至改拜肅州以為慢防
啓寇非重閉也乃大築雉堞嚴備櫓械人知有恃戎亦來威儀
鳳歲河西盡蝗獨不入州境鄰郡湊糶提挈如雲公傾私
泉以資乏引激水以立磴舉火百竈日哺集作鱗千人遂有
芝草叢生豐年屢降人之詠德刊石存焉裴吏部名立波
斯實取遮匄偉公威厲飛書薦請詔公為波斯軍副使兼
安西都護上柱國以安西都護杜懷寶為庭州刺史公大

城碎葉街郭迴互夷夏縱觀莫究端倪三十六蕃承風謁
賀泊于二字集作自泊汗海東肅如也無何詔公為庭州刺史以

波斯使領金山都護前使杜懷寶更統安西鎮守碎葉朝

廷始以鎮不寧蕃故授公代寶又以永集作求不失鎮復命

寶代公夫然有以見諸蕃之心搖矣於是車薄啜首唱寇

兵郡蕃響應蝟毛而鑿公在磧西捷無虛歲戡車薄於弓

月陷咽唐書同於熱海剿叛徒三千於麾下走烏鶻十萬

於城集作域外皆以火覆衆以誠動天葛水暴長祭撤而三

軍涉渡葉河無舟兵叩而七月冰合由是士卒益勇戎狄

益懼重書下問皇靈遠樂遷夏州都督徵詣奉天宮熱海

之役流矢貫臂陳血染袖事等殷輪帝顧而問之視蒼獻

赫曰為國致身乃吾親也妖賊白鐵余據城平以反奉詔

與程務挺討擒之善公有發石壞城之計反風焚柵之感

封太原郡公元珍寇邊受命討擊公以無甲乃發思造六

片木排袴關鈕解合畫為虎文北至關先集作開光與虜合戰

若驅猛獸蒙阜比莫之敵也胡馬奔駭獲其二啜桑軋舍

利兩部來降初公善書與魏叔琬相輩工射與趙持蒲齊

名帝每矚之賜比鳴輦賞深懸帳嘗獨行夜入有恠人長

文直來趣逼射而仆焉乃朽木也太宗壯之授右千牛及

持蒲伏法暴骸公哀收葬焉金吾奏劾高宗義之釋而少

不罪履道坦坦多此類適將任帝變龍為國方虎天下如

膏潤群生雲雨惜哉不辰悄焉遺悔嗣聖之際天集作太

臨朝有凶人誣奏公廢后從兄常懷怏怏司刑御史侮文

矯制不名苛法遷於崖州路至衡山寢疾捐館春秋六十

有三垂拱三年閏正月十九日葬于咸陽原君子曰斯才

也斯望也難乎免于斯之代也周公聖而謗屈平賢而放

賈誼才而調李廣榮而喪彼天命之糾紛此人情之惆悵
神龍中興以陷酷吏例復官爵孝為人極忠為令德神之
聽之始枉終直信矣有子故光祿少卿璵今祕書監珣皆
篤行純孝慎終思遠說少也蒙會友升堂今老矣豈能文
旌墓遷司漢籍感激論都尉之書邕叙處情追美樹揚公
之碣銘曰

上德惟公氣秀才傑孝弘世美忠廣前烈日月必集作昭

江河思決難地必通暗機先徹卓犖文藝崢嶸武節勤集作

由宰邑借恂臨郡海女避途山蛇可問師律三愬軍聲六

振銳氣入營長雲出陣肅將國威烜集作赫天外玉弩方

繁集作雲旗卷旆天道茫茫自古多傷功存西域身棄南

荒易箒中路懸棺反藏寶刀生衣玉珖無光後有才子先

賢不亡

贈太尉益州大都督王公神道碑 前人

維天命帝子萬邦維坤配軋毋萬物以親九族后父之屬

尊以叙百官開府之班最執謙德而光重地者則初國公

其人也公諱仁皎字鳴鶴太原初人王子賓天啓靈仙之

族司徒衛漢大忠義之門盛德之後仁賢繼出曾祖景孝

隋屯田侍郎祖詮歛縣男贈汾州刺史考文洎贈右僕射

纘戎烈考集作啓迪後人公之生也膺汾霍之禎體躬虎

之度禮樂徂於世集作襲忠孝萌於自然克寬克恭不激

不傲鑒窮未兆而養之以蒙智周無際而處之以默故實

集作勝於文軒過於譽其隱德也三年不鳴其會時也一日

千里初以翊衛調同州叅軍換晉州司兵應將帥舉授

甘泉府果毅遷左衛中即將上昇春宮后正妃壺擢將作

大匠事時集作工練八材孔修轉太僕正卿騶訓車攻六

飛如舞先天內禪引伸外戚懷柔畏滿厭劇思閑公既深
辭以職事上亦優之以散秩迺加特進禮異群公迺拜開
府儀同三司策上柱國封祁國公邑戶三千實賦三百公
於是寓情宴喜簡跡朝行入告嘉猷密而人莫窺也陰薦
多士晦而人莫知也不自異於當路每同塵於衆流常語
所親曰明明天子擇賢共理瓊瓊姻婭則無膺仕不識不
知樂我而已善矣夫人臣位極遇莫大焉王曰外舅厚莫
重焉而能明道若昧進道若退事不事而懸解爲不爲而
理會一以無目牛之全一以無亢龍之悔所謂言合古行
中權歟後之人慎終始而保福祿者固將公通波而蹈高
軌也享年六十有九開元七年四月戊寅薨於京師皇上
悼焉設次大臨輟朝累日榮之以華袞寵之以飾終追贈
太尉益州大都督賜東園祕器含椽贈錫率加常禮乃命

尚書彭城侯劉知柔攝大鴻臚俾之監護京兆少尹崔琬介
焉申命詹事南安侯龐承宗持節弔祭左庶子白知慎
倅焉公卿命事更弔迭喻溢巷填街爲之縞素粵以十月
初吉葬我昭宣公邸窶執紼祖奠國門如前會夫天作聖
合必起大邦故軒妃美於西陵周婦表於東海公繁衍之
慶祚胤二十或哲或謀或肅或文永錫之類也如是元女禕
發望雲業黍鍊石內被螽斯之德外偃關雎之化門風
之至也如彼長子惟力戴君畢心禦侮奉雲雷之會懸日
月之功應訓之致也如此高陽有才子八族我盈其二武
王有理臣十人家出其爾稽諸舊史罕或前聞若乃積三
盛事而重之以純德篆于金石壽于億祀集作萬宜哉其文
字光華撰錄旨要則皇帝所爲也臣奉詔作之銘曰
於穆初公誕靈信厚有倬其慶天子外舅高以卑牧盈將

冲守忠焉孝乎没而不朽人之忠孝其德不回天畀絕嘏
大福時來貴踰九列榮並三台作之玄社帝曰欽哉祁公
之德柔嘉維訓令儀令色小心翼翼如何昊天喪此邦式休
聞其永豐石是刻我思肥泉孝心罔極

廣州都督甄公碑

前人

君諱亶字道一中山無極人也昔胡公紹舜奄有大邦楚
子縣陳逃威樂土當烈王之世集作王也有陳通奔周王必
為忠將美其族言舜居陶甄之職命為甄氏錫姓因生
如堅之讀刑聲轉注以真為音處則稱劉一作留非明歸晉者以
異變而為郭蓋承號者有馮通之裔却仕漢為太僕大司
馬承陽侯却十六代而生鸞仕齊為帝集作太山太守司
隸校尉無極縣伯撰笑道論行於代鸞生隋汾州刺史
族生隋沁州刺史紹紹生隋新市令協協生單于大都護

府錄事叅軍贈宋州刺史封惟祖惟曾在商在夏世濟其
美永觀厥成君即宋州府君子第四子也博綜經史脫略
流俗情之所遺對咫尺於千里氣之所重輕百金於一諾
日與日比階應劉之閫奧或草或真藏鍾張之筋骨譽
滿曲聲聞闕庭天后臨朝再加辟命皆辭以親老不赴逮
疾革易篲骨立廬墓復有制徵焉刺史獨孤莊率府寮
躬諭起於墳左乃授左金吾中候生盡其養豈違親許人
沒盡其哀方委身徇國或用或捨有以見大君之仁時止
行有以觀大孝之節君臣之際其遠矣哉尋除左千牛長
史檢校武侯集作始軍長史攝右臺侍御史兼靈武道行軍
長史攝右屯衛郎將副臨洮軍使轉右驍衛左集作右郎將
為臨洮大使拜蘭州刺史兼榆林臨洮等軍大使除夏
州都督兼鹽州防禦使徵授幽州都督衣之紫攝御史中

丞為河北軍州節度大使君璣成周月惠則在人患是綬
風表以去職未幾復除夏州都督屬山戎矯虔椒擾王略
安落天上思道行以出奇虜墜集作墜計守便且而未進時
以為逗留貶撫州刺史朝廷明此舉也未到官遷廣州
都督兼嶺南按察五府經略討擊使春秋五十有七開
元五年七月二十六日集作八終於官舍以某年月日歸葬於
恒陽之王公山南原下不忘本也君三承辟命再攝憲曹八
典戎旆五司藩翰事之去就歸必執中其職之高卑為
政各當其適集作選觀夫果於事喻於義下學而上達強立
以知類畏克厥愛道無常師有商也之文有求也文藝習
禮必本飾之以菁華積行必崇茂之以枝葉此探賾則
投刃皆虛矣以此欲官則操刃必割矣故群士之所鞅
掌而君之所綽約常情之所戚戚而君之所蕩蕩由是

之槍榆之與海運鳴琴之與星入從可知也惜其志懷慷
慨雅多大略援椽作氣有七縱之能孤劍無前當萬人之
敵竟不得橫絕漠騁雄筭刮狼星集作望之侵鏡乎太清卷
瀚海之波靜而可掃鬣鬣之足受羈騷驥之途堂堂之貌
不畫麒麟之閣彼哉彼哉有遺恨矣其孤某等望兮不至
求兮不得求懷揚名庶慰罔極銘曰

有鰥在下陶復河濱元女作合相攸于陳楚為不道祚以
求淪周寵忠節氏以初因丕惟承陽致君論道施及無極
逮家戴考集作建家戴考彼汾彼沁伊時之寶宰兮牧兮亦孔之
好積慶潛演俊以挺生標格磊落氣志清明八司戎事厥
謀有成五刺方伯厥政有聲山有杞梓工思其度國有孫
吳君思其略棄德珠浦遺氛沙漠惜哉不當今也可作恒
岳臨北濠池注東仁不忘本孝亦令終壽堂盤薄牧子

充窮勒美松隧穆如清風

贈廣州大都督馮府君神道碑

前人

夫積德垂裕之謂仁追遠揚名之謂孝仁則慶鍾厥後孝則榮及其親嘗三復於斯言今於馮府君而不見之矣府君

諱衡

集作居衡一作象衡

其先長樂人也釋趙趙歸秦本家上黨分琬

徙越又據高良自遠祖宋懷化侯業

集疊業字

以至于大父贈

荊州都督益先考高州使君智幾咸以勲績建換本郡甲

兵雄於一方政化沓於千里君蘊含弘光大之德守沖默

安貞之志秉難進易退之操語

一作臻

希聲若納之道爲而

不有故物譽難傳稱靜以居常故世無因而及以聖曆之

歲終于本州

集作城

子幼家艱喪禮蓋闕夫人麥氏備

文

集作毋

師之六行履先姑之四德處順思柔以成婦道及

衛亡共伯而魯重敬姜誓以泛舟之詩遵其閨門之禮季

子金冠軍大將軍右監門衛大將軍上柱國渤海郡開國

公力士始自髫鬣來儀上京既遠徙宅之歡爰從倍年之

訓感三州之深義易百代之因生捨馮亭之本枝從高儀

之令族千秋仕漢遂去田宗隋會在秦別爲劉氏遇風雲

之感會承日月之光耀

一作輝

茅土谷其勲庸韶璫寵其忠

信太夫人踰越嶺嶠就養高堂孝子展白華之勤慈母欣

綵衣之貴精誠所感振古難儔噫歟資孝爲忠隱心後動

引桑霍之深誠慕金張之周密敬以衛主愛以安親而善

不章

集作官不遂

者未之有也由斯言之則哀樂存乎

心不以至音改禍福惟所召不以偏覆及詩云曾侯燕喜

令妻壽毋明神勞善人而壽其母夫人以開元十七年

享年八十有七五月十五日壽終于京城

集作兆

之來庭里

舍天子悼先賢

一作賢母

之晦德嘉侍臣之克孝思贈槨之未

崇創窀穸之將及於是詔贈先府君潘州刺史備禮飾終
招魂合葬是歲也也大享宗廟遍謁園陵錫類之恩施于鄉
士重贈府君使持節度督廣詔循康等一十六州諸軍事
廣州大都督夫人受邑舊邦啓號南海從夫加贈改封越
國夫人哀榮被乎集作始終寵光洽乎集作中外爲子之
道何以加焉於是與兄右集作衛中候元璉左領軍衛郎
將元珪等惟舊業之難名感新恩之荐及思建碑表以求
芬芳夫毓至德以庇後嗣衣之厚者也揚令名以崇祖考
孝之大者也仁爲五常之先孝實百行之首貫經教而莫
比標人倫而獨出宜其鏤美金石式旌墳隧無忘清徽昭
示來葉何必會稽江上獨有紀孝之碑安陵廟前空傳尚
德之頌其詞曰

明珠紫貝產於南國代所珍兮允矣君子不耀其德克全

真芳慶流後高驥上

集作迴

翥中貴臣兮朱轡象服寵及

泉路榮其親兮孝道不隕勒銘表墓留芳塵兮

贈安州都督王仁忠神道碑

李邕

觀厥君子大司莫盛於禮樂時事大實莫極於寵榮非夫
周於才厚於行外無鬼怨內無人非將何以享而福之兼
而有之寅亮邦家武衛帝室者也府君諱在孝題目作字

揖太原華人也其先系於有周氏於子晉文武不墜子孫

其昌掌兵霸秦爲相寧漢累葉交映兩朝相輝梁之孤鳴

司徒匡復於將亂周之龍躍開府扶翼於已興曾祖景孝

府君隋屯田侍郎祖詮府君皇朝明威將軍歙縣開國男

汾州刺史考文濟府君侍郎御史吏部員外朝散大夫東

臺舍人並典學懿文夷道全德高舉時秀丕承國工府君

至和育純上德膺茂軌度恬簡品鑒朗枝篤誠博達英邁

奇偉詩書異等容貌出徒飄然清風藹然顯氣安步名教
詠詩典墳虚心以遊不思而得至於緝熙遠略繩準嘉言
寶匣于將玉臺明鏡未六比也解褐濮州司法叅軍要囚
有倫亂獄不作泣下丹筆情深赭衣俄轉湖州司兵叅軍
郵亭利權豪富儼市脂膏不踐玉帛何階頃開元皇帝之
潛春闈也以府軍后之季父時之正人吳札識音周瑜能
聽遷太常主簿尋以地近姻戚望出衣冠仍加朝散大夫
誅本寺丞屬國家有事上玄張皇大禮沿革舊典節制新
儀超上柱國而即真焉及皇上御極元妃昇后遷太子僕
六馬肅若具僚仰止朱紱皇皇鳴珮

載遷

鴻臚少卿四極梯航萬首匍匐且和戎狄未繫單于轉太
常少卿九樂備陳三禮大舉觀諸侯之會知天子之尊除
左千牛衛將軍書巡蓋常夜拜是功上謂府君曰昔太上
皇嘗居此此職特相委任是屬親賢府君兢懼滿盈誠懇
辭避鴻私屢抑嘉願莫從霧露不宣腴理成疹詔使旁午御
醫崩奔嗚呼杲日或虧良歲多謝命莫能續天將謂何春
秋六十有一以開元十年三月癸酉朔捐館宇於京兆輿
寧里之私第皇帝震悼椒宮感惻制贈安州都督賜物二
百段米粟二百石喪葬官供加玄纁束帛勅萬年縣令常
令監護即以其年八月壬寅朔安厝左翊太原舊塋禮也
長子右衛長史嶷次子尚本奉御蒿司農主簿崑京兆府
叅軍崇峇芳寧峯等並昭獎光訓憲矩令猷文翰發於
國華禮則隱於人紀追惟廣孝末言孔亟推心陵谷泣
血松楸是用合謀有成作為不朽直書德曲訪小才錫
類每深注情彌極莫逮覽對何言其詞曰
千年流慶百代象賢山立歲澤海水成田文一武震耀冠蓋

蟬聯業揚史竹名雄鼎鉉其施及時英駿發后族體大志
弘氣和德淑秀舉清流高標雅俗地位雙昇才名兩復其
太常禮樂儲宮調護屬國風偃司戎山固先帝昔官聖
恩今喻匪親曷保惟身是附其三族未涉六疾爰臻擁福
何崇轉禍無神喪葬公備哀榮禮陳寵加黃壤贈及朱
輪其四松栢舊塋玄纁今飾詔使頽繁椒宮慘惻河山動容
風雲變色茲焉求懷古之遺直其五光有徽子克荷良弓臣
孝家節文章代工椎心匍匐泣血充窮託碑板以題述庶
哀敬而末終其六

文苑英華卷第九百十三

登仕郎胡柯

鄉貢進士彭

叔夏

校正

文苑英華卷第九百十四

碑七十一 神道三十二

職官二十二 節度一

太原節度韋湊碑一首

河中節度李國貞碑一首

魏博節度田布碑一首

唐太原節度使韋湊神道碑

韋述

君子之事上也進思盡忠退思補過所以慎其初也不為
義疚不為利遷所以成其終也有始有卒往哲所難彭城
文公韋府君庶斯道矣君諱湊字彥宗京兆杜陵人也翊
商命族佐漢傳封龍旂承祀盛業百世曾祖諱瓚隋倉部
侍郎司農少卿尚書右丞南皮縣伯開皇中受詔監河漕
之運以實關中利國濟人名書隋史祖諱叔諧皇朝蒲州
刺史貞外散騎常侍庫部郎中貞觀初奉使招夷越之首

以清嶺外息兵殷士事具實錄父諱玄福

舊唐書上作玄世
系表名福字玄福末徽

中為城門即為外姻所累貶授桂州長史贈潤州刺史清風
克紹盛德難名育道儲社以貽後嗣君承積善之休烈光膺
太和之純粹文學政事懷適時之異材孝友忠貞稟過人
之至行永淳元淳元年解褐授婺州司兵參軍致遠之漸發
於初筮廷載元年授資州司兵參軍廉察使房昶覩君剖斷
之跡嘆曰鸞鳳棲於枳棘豈惟有司之過亦使車之所急
也於是狀其殊績上表聞薦俄拜揚府法曹參軍繩愆糾
慝正色無私志在澄清豈避強禦長史清河張潛悉以郎
事委焉大足元年授尚方監丞尋加朝散大夫轉相王府
屬兼通事舍人時夏官尚書姚公兼王府長史嘗稱曰韋
屬識見弘遠文彩優詳恨相知之晚也長安三年遷職方
員外郎神龍元年轉兵部員外郎歷職方郎中長安令遷

將作少匠仍兼通事舍人景龍二年轉司農少卿三年除
具州刺史其草奏也必因事而作程其敷納也抑有儀而
作表周行之譽久而愈芳既副象河之榮遂光分之寄
景雲元年復入為鴻臚少卿仍加銀青光祿大夫二年轉
大府少卿兼通事舍人節愍太子之追謚也君謂有死不
校太子之道苟弄兵而誅雖銜命而難宥申生以遇讒自
引考行為恭衛據以擅命出奔易名為疾以今方古斯為
甚焉於是抗疏論奏明言至理仍於軒墀之下對仗自讀
睿宗瞿然悚聽仗下後引君入閣賜坐再三詢訪乃令與
執政議其可否僉以為恩命已行難於返汗惜遂事於已
往知謹言之在斯所謂有犯無隱臨大節而不可奪也初
神龍之末恩踰賞僭氛侵既清府庫猶竭時議興造寺觀
土木競起役人不時上書切諫疏奏未報昌言固爭上悟

其忠竟用嘉納乃詔有司量事節減息人省費動盈萬億
君前後所論郊廟大議及時政所急凡數十上多見錄用
或編於甲令或載在策書仁人之言其利溥矣先天中又
歷陝汝三州刺史陝服汝墳境壤相接惠先道路二郡以
安開元二年遷岐州刺史屬變與頌豫大寇岐下君徭賦
均平儲侍簡約牲餼烹飪不徼賞於玆華扉履資糧不取
悅於餘羨闔境無擾人到于今稱之四年遷將作大匠六
年充東都留守八年遷右衛大將軍上謂君曰皇家故事
諸衛大將軍共尚書交互爲之近日漸貴文物乃輕此職
卿聲實俱故暫用卿以光此官勿辭也九年正月遷河南
尹累封彭城郡公十年以屬官時洛陽主簿犯贓有犯出爲抗州
刺史十一年轉汾州刺史其年又遷太原尹仍充太原以北
節度大使北都留守河東道支度營田大使并檢校北都

軍器監操節越之寄慎守禦之方師徒無勤邊鄙不聳雖
李牧之馳名塞下魏尚之善守雲中無以過也上懿其績
手詔勞勉錫以時服恩貺屢降及遣疾詔遣尚藥奉御宗
處馳傳診療粵以其年十二月九日薨于太原之官舍春
秋六十有五詔書故太原尹韋湊體識沉正字量淹通立
德可師弘風自遠累居中外充著聲績而大耋不永具離
俄謝興言感惻用軫于懷宜洽寵光俾申榮贈可使持節
都督幽州諸軍事幽州刺史物一百疋米粟各一百石給
靈輦遞還葬日惜幔幕手力太常謚曰文禮也議者以君
忠肅恭懿寬仁信義愬虞書之九德并孔門之五美而不翼
亮百揆光昭三事蓋以滿盈爲忌謙讓辭不然豈才不
適而命不至道不行而時不利也先夫人范陽盧氏刑部
尚書從愿之妹也輔德正家克循法度載誕元嗣無祿早

終繼夫人隴西李氏長安令綰之女也能繼徽音以享偕
老初尚書盧公以親懿之故式贍景行將有刊述以紀嘉
休既而鎮撫汾澮澄清梁益軒車載轄是則未暇及入護
儲闈而辭疾歸老事竟蹉跎斯文不就天寶八載府君之
嗣子尚書右丞見素痛霜露之滋深懼英華之易遠於是
銜究決諒擬作詢謀宗黨託詞瓊瑤以敷事實伯喈之頌
叙長源於厥初考甫之銘垂儉德於來裔其辭曰

粵我初諒

疑作

以德受氏散冕軒裳世濟厥美辰象吐秀山川

叶社實生文公克纂先祀入孝出悌抱質懷文雅操有素
清標不羣志惟詩禮業在丘墳如玉之潔如蘭之芬發跡
州郡飭躬以進既登省闈休聲益振守以恪恭不忘畏慎
有犯無隱詞直而順象河是副功宣亞卿建撫受委遂典
專城政存簡要德著仁明世則之美時惟尹京惣戎軍政
彼汾之曲卒秉輯睦戎夷悅脫服永享惟疑作老受茲戩穀
天不憖遺遽終百祿哀榮式備詔葬言旋宅兆斯吉光陰
屢遷巖巖終阜泱泱渭川刊石紀德於惟億年

故通議大夫守戶部尚書兼御史大夫持節

朔方鎮西北庭興平陳鄭等州行營兵馬及

河中節度都統處置使兼管內觀察使權知

絳州刺史賜紫金魚袋贈揚州大都督府李

公神道碑

權德輿

周道親親夾輔王室分唐叔以懷姓九宗職官五正故其
後文侯受鉅鬯之命文公受大輅之賜祿勲推恩敷叙昌
大理道之所繇也國家憲章文武選建明德元功侯籍述
耀本枝初太祖景皇帝之支曰鄭王亮實生淮安王神道
用親賢功德左右休運淄川郡王孝同淮安之昭也集作衛

將軍燧淄川之穆也劔州長史贈太僕少卿廣業承祖禰
積厚之慶而生尚書尹正字三王都惣六師帥八命四履
投艱難服勤勞集作投艱服勞有猷有守以至歿代禮賁於追命
澤流於代官有由然也尚書諱國貞字南華天姿風采爲
宗室儀矩列如寒泉嶷若崇山修身筮仕動有休裕開元
十三年明皇帝肆覲東后柴于岱宗以公族侍衛祠調補綿
州叅軍事暴雨惣至江流泛集作溢公自下位能禦其災
既堅舊防乃復故道累遷岐州錄事叅軍太師苗公太尉
房公繼爲二千石皆所引重御史大夫張倚採訪關中表
爲支使天寶末林胡覆三川犯秦關詔除殿中侍御史爲
襄陽郡司馬且分集作介戎政公以侍板輿辭革車換房陵
太守表課尤異徵拜長安縣令風政肅清改秦州刺史成
命中止復爲長安令尋遷汴州刺史未及行復輟爲京兆

少詹天象以公積有試効可居大官累命爲河南京兆成
都尹劔南西川節度使其撫周郊契渝方熾公與太尉臨
淮王議曰河洛爲天下衝且無車賦比屋安堵寇將甘心
焉不若虛其邑居挈以駸集作駸非邁羸糧善地可俟師期繇
是太尉壁河陽公次于陝伐謀銷患君子推其智其在京
轂兵火之餘人命將泛方勇切集作汎非物力亦屈而百役煩苦
出於傷痍公曰兀兀愁歎受命惠養儻不能曠然丕變豈
副明天子鬱悼之心耶列上蠲除悉蒙可報凡調於人者去
其十九清靜集作淨愷悌百姓稱之其集作其仁鎮岷峨裔人樂禍殺
嘉榮二州刺史以開邊隙公命將疾攻舉無遺類明年昆戎
圍我三城分遣銳師據便城壁戒嚴持重徼其極而擊之
賈餘無前酣戰盡殪悉獻虜獲軍無私焉隣壤不靖偏師
叛換將盜兵符已據城寺出車壓境指顧而平凡三整武

經而已蜀軌道拊循安穩四封畏其威柄用者沮公勲猷
徵爲殿中監命書旣下不俟駕行囊被單車無道里費取
倍稱之息五萬甫達京師上嘉而賜之俾柝其券寇有改
子章者恣睢就戮方帥以吉語聞詔公宴見前席嘉將其
曰利兵積穀皆卿之素也其無駭夸父之謂乎朝野嘉其
首公而服其潔已臨淮王移鎮海岱長轂在郊西邊北朔
合淮陽圻父五諸侯之旅主盟中權盡護諸將於是拜戶
部尚書河中節度都統使又以職額戎重則風俗不阜加
管內觀察使權知絳州刺史公外惣方略內修班制當強
弩之末無半菽之糧不忍加賦飛章未下猶以憲度爲已
任推剝者斃之集作不行師諸校壽張缺望至是夜暮變起或
以踞論公曰吾之不敏當死節官下安敢貳偷以煩刑
吏集作亂之劇集作是也公竟及焉議者尚其潔矩而哀不淑

時上元三年建卯月春秋四十八是歲改元寶應至夏五
月寧神于三原縣之北原詔以揚州大都督府集無印綬
告第憫其勞也公本諱若幽上元中天子以特立之操爲
宗工表率錫嘉名以更焉公忠儉誠厚方嚴密靜用儒行
憲令脩明事功大玉不崩楚金必割凡歷官二十四自解
巾至握節勤職十七其以內庭持書中執法亞丞相佩兩
印以雄外服者又七命焉刺房陵之後五六年間車不輟
輟賦職任功名聲章明及公以司徒惣輿師令弟若水以
內府司贊謁而太夫人福履所介日陳壽觴懷黃佩玉左
右溫清極魯侯之燕喜邁張仲之孝友宜錫壽寵爲人倫
龜龍曾未中身遭罹凶害前史稱霍去病亦有天幸然則
命之所賦有幸焉不幸焉斯不可問已夫人扶風郡君
竇氏鴻臚丞光之女揚府長史御史大夫覲之妹集作也淑明

仁頌克叶公志家肥族睦抑有助焉公薨若干年而夫人
歿有子四人長四錡材器碩茂潔廉忠集作肅遵修訓則復
大其門入作卿士出爲侯伯貞元十五年以御史中丞剖符
潤州宣風以弘禮俗成賦以殖財用大績茂焉中邦賴焉
明年就加御史大夫十八年進禮部尚書撫封題劔如公
渥命次曰鎰蘄州刺史次曰豐士劉縣令幼曰豐器長安
縣尉皆有幹裕而屈於年位今尚書永惟先公丕矩未刻
金石以德輿嘗叨史職又掌贊書知王族大僚之事業見
託論譔故不敢沒其美亦不敢溢其言銘曰

克睦九族漢封同姓烈烈淮安秉時佐命淄川而下三葉
儲慶乃生我公紹續先正時惟宗英忠智廉清所至風行
所居理平山玄朱組旣靖蜀京鉞鉞珣戈乃主夏盟交修
藩衛纂服弘大陟降集作左右勤勞翼德微之間乃與禍會

夷途始半白晝中晦栢楹羽葆久闕鮮原煌煌密章肅肅
絲言盛德復社藂茲後昆列郡是式介人維藩大江南服
考禮修職五曹十聯克嗣先德董是經費陳之藝極本於
教忠懋此宣力伊昔祭器實銘烝彝禮則有變魂遊在茲
連岡陂陀宰樹參差悠悠終古末揚斯碑

魏博節度使田布碑

庾承宣

於戲節義立則人倫之風厚忠孝彰則君親之恩大罔極
之報非死不盡臣之子志非盡不明決去就於至誠擇利
害而無撓其生也挺身爲萬夫之特其終也成名於太山
之重凌視千古高居上游斯人伊何魏博節度使田公布
字敷禮之謂也初公烈考曰弘正輔佐憲宗掃除寇逆爲
侍中魏博節度使今上嗣位鎮州軍吏以節度使王承宗
死上聞詔弘正除中書令代焉居一歲兵亂遇過公時爲

涇原節度詔追至京聞喪公卿獻議以爲討鎮若用魏魏
強而近又公恩積洽於魏以鉞賜其子布布復有能則
魏之士欣戴而効死焉詔從之公泣血號天而辭不能
者再詔不許乃曰報君恩復父讎在此舉也如不濟則無
其生以謝之別兄弟妻子於屏門之內辭賓客朋友於西
階之下乘輿遂北至魏則徒行號以見將士將士者父者
父兄事之齒類者骨肉親之斂家以結人心辭祿而贍
公用名求報之道竭勵士之方冀其協心以副私志異哉
魏之風俗久悖聲教魏之將士素染狼戾懷安自固忽感
激之勇節積驕成惰無戰關之剛腸初猶哀公之誠悅公
之賞雖未心化慙忘舊風無何奉詔出師抵冀之南宮縣
邇賊而振威也時討幽鎮諸軍庶事草創計司荒略供饋
大虧公乃以本部六州之租入權以自濟冰雪方盛飛輓

阻難衆相與言曰頃嘗出軍賴朝廷供給優贍軍府因以
完濟今者瘠以已肥國尚書無乃太公忠乎旋以滄景喪
敗王師不振諸軍顧望莫有關志賊使間諜騰肆飛語以
不固之志加懷怨之心望風聽聲將欲謀亂咸疑作有見者
圖其休全身保軍以俟後舉公仰天而號曰天子徵兵以
討叛亂吾特授旄鉞復其家寃將軍雖死國典斯在豈蓄
縮完守爲不忠孝之臣乎衆知公不可迫因師行而遂潰
中軍不同其謀奉公達於魏城衆又言曰魏土不知朝化
久矣刑賞禮樂皆自己出近以保富貴遠以貽子孫苟能
從衆之謀則捧戴如舊公知其不可以道化又難以力服
時太尉之靈座在魏之官署公陽以入臨入不以虞慟哭
伏劍衆驚至而絕矣春秋三十八噫相國李公愬先公師
魏衆已貪亂李不能制閉城以自固重幣以貨死及公初

至悖氣尚存邀賞撓法一唱萬和况鎮之軍於魏舊有救
敗德兩軍相觀如親戚焉寧有一人之忠義化六萬之肝
膽三月之將帥移六十年之舊風強其陸梁計其相歡童
駮愚蔽知其不可從事李石有言曰重耳教訓三歲而後
敗楚勾踐生聚二十年而滅吳以中古之愨信晉越之馴
伏尚且遲之况拿魏乎聞者信之及公終也賊衆感義而
退守王師聞風而憤激達于朝廷天子壯其節而哀其死
爲之廢朝公卿泊百執事咨嗟悽憫久而不絕及喪至則
弔周懋恤禮備而恩加焉贈尚書右僕射以長慶二年
八月二十六日葬于萬年縣白鹿原公之大王父曰延輝
安東都護司馬贈右僕射王父曰玠相州刺史烈考終中
書令贈太尉至太尉而勲高位崇至公而名重節立蓋以
茂德爲濬源大忠爲厚趾克生賢哲焯耀邦國初自魏之

裨將以謹幹至大將自侍御史以討叛勞至大夫賞平蔡
功爲金吾將軍以長材鎮要衝爲河南節度以多略靜邊
隅爲涇原節度在禪將則辨寃囚太尉無淫刑矣領征軍
則備賊之驚突諸軍因之立功矣爲金吾抑同列而不過
諫官聖朝有容直之美矣帥河陽也則省將而多戰卒滅
賊而守詔條於是乎兵實而人安矣鎮涇原則勸其力穡
教其騎射於是乎糴賤而人能矣其大材敏識有名臣之
體要深謀善計得良將之精華善而不伐高則思降無豪
貴之厚一作修欲慕廉讓之高風惜乎壯年有志不立豈天意用
斯人以激其怠愼警其姦兇者哉仗劍之辰手操遺表陳
兇逆之根本明將帥之儀矩聖君因之得辨邪正可謂始
終之善者也其遺孤及門吏知余夙奉周旋感激名義請
揚盛烈於萬斯年銘曰

具體皆人能恥者誰輕死重義謂之有思豺狼貪婪力不能支部下將貳誠無所施上虧國恩中寃父私兩志莫遂顧生奚為明者獨斷勇夫不疑忍耻偷安大姦等夷醜顏冒寵復何人斯誠貫心膂竟違我期一作誠貫心達竟而我欺利刀貫胷血殷棗惟軍士喧駭逆黨怛怩義風激揚征車不衰自居所重賢人得之地察天明稱為神祇雅有節鉞流聞邊陲青史長存聲香歲祀

文苑英華卷第九百十四

登仕郎胡柯 鄉貢進士彭

叔夏

校正

文苑英華卷第九百十五

碑七十二 神道三十三

職官二十三 節度二

魏博節度使田承嗣碑一首

嶺南節度使韋正貫碑一首

昭義節度使辛秋碑一首

魏博節度使田公神道碑

裴抗

理天地者陰陽統邦國者文武才得其位政由其理則元后作聖九有以寧其或紐斲解而復維運偶否而終泰是以周十世而生方叔唐八葉而傳太傅保乂藩服昭宣王度嘉言大猷鬱為國棟大傳諱承嗣其先有媯之後自敬仲奔齊五代而昌因采田而氏焉異才茂德繼踵而至其後議郎疇哭劉虞墓讓盧龍勳義聲洋洋焯於古今公則議郎之裔今為北平人也曾祖堪隨州從事祖璟皇鄭州

別駕烈考守義皇安東副都護贈戶部尚書皆恭肅明哲
純懿貞良纂邁德之仁傳有後之慶公則尚書之第六子
也元和間生其德直方剛毅中正根於天常鍾海岳之靈
抱清淳之氣幼尚擊劍長而事邊度山川之險易計戎狄
之勇怯沉機潛運藏用待時開元中林胡犯邊公始以兵
術聞節將急而求公乃假公平盧先鋒使即田以偏師敵
之公大破夷落斬首萬級朔漠之人恃公爲雄戎帥以捷
聞特拜公左武衛郎將策殊勲也仍前平盧先鋒使擒俘
斬首一月三捷戎馭氣懾邊塵清改左武衛中郎將遷左
清道率拜左武衛將軍昭武功也天寶季年逆帥安祿山
竊幽陵之甲以叛驅劫忠良易其守心蹶犬吠主人肆兇
逆料天下敵已唯公一人遂乃臨以刀鋸邀其質任爰
授兵要置之腹心幼迫以兇威計無從出竊謂所知曰昔

龔勝閉口君房殺身無補於時自擠溝壑乃呼天飲泣忍
死從權將圖不朽之勲以顯大忠之節時寇陷洛陽遐邇
震駭大縱虜奪以餌兇徒唯公禁戢屬兵託以戒嚴他盜
時大雪滿營間無徑術逆帥巡行諸部躬自勞寒至公之
營疑其無人公乃介冑轅門出卒羅拜閱數伍籍不缺一
人逆亂之徒尤加敬憚爰及刑獄取決於公寇逆亂常法
令苛慘織亂詆告每陷忠良皆以阿旨入法爲己誠察理
辨情爲獲乃貳公將謀知免且欲雪寃每至議讞必歸情實
至於免罪鑊脫桎梏者不可勝數冀其違忤稍見踈遠而
逆帥以爲平允得當仁德歸厚信重獎助又倍於常其後
賊亂鋒起互相吞戮祿山流膏安慶絕兇疑思明陷刃朝義
傳首昇浞既平日月貞明公雲龍交感霖雨將作誓爾有
衆同歸聖朝誠意克從大節斯立時代宗在宥天下降衷

於人載覽歸欵特嘉誠順即田除戶部尚書御史大夫莫
州刺史復以莫州地褊不足安衆特遷魏州刺史具博滄
瀛等州防禦使公榮懼感泣潛然涕流荷天之休誓答玄
造一作聖主中以狀聞上收其忠錫以旄鉞真拜魏博等州節度
觀察處置等使初懷恩之討朝義也深結歸命之帥陰
有一作畜將叛之心及恃功不處逆節方兆虎據汾晉寇於
太原乃分使河朔連扇羣帥邀我同惡示以師期羣帥獻
欵決計於公公曰吾儕所以修睦於僕固者將欲藩翰王
室懷寧遠通竭股肱之力報亭育之恩乃翫兵左道自任
姦慝有死而已吾幾從之俱精練成師以順王命臣子之
職也由是羣帥感悟率德相從械繫行人顯與之絕暨聲
問達于四境干紀之師索然氣奪是以懷恩喪子於榆次棄
甲於西河北走胡庭埋魂絕域抑有由也蹈危而可謂文武

三傑精剛百鍊者也惟帝念忠拜公尚書左僕射賞有公
也遷大司空族有德也初公之臨長魏郊也屬大軍之後
民人離落閭閻之內十室九空公體達化源精潔理道弘
簡易剗煩苛一年流庸歸二年田萊闢不十年間既庶且
富教義興行魏自六雄升爲五府拜公爲魏州大都督府
長史仍加實封一千戶以陟明也而緇黃耄耆詣闕陳乞
請頌德褒政列於金石帝曰俞乃命先臣門下侍郎王縉
撰紀功烈錫魏人以碑之其明年請立生祠而尸祝之公
執謙沖抑而勿許茂厥丕績秩遷太尉疇咨補職爰立作相
公拜賜荷寵若墜泉谷誓將率先啓行斬伐不臣一彼昆
夷復我河湟然後桂冠都門告老歸第嗚呼有志不就昔
人所痛致君孝道未展大夜之期俄及大曆十三年春二
月遘天倫之戚茹痛而疾秋九月甲午薨於戎府享年七

十有五天子悼舟楫之沉覆邦人號擗棟之崩摧罷輟市朝哀慟中外諫議大夫蔣鎮冊贈太保臨弔賻禮有加等夫人富春孫氏齊莊之德備矣開越國之封列魚軒之貴降年不末先公即世其年十二月十四日得吉兆於魏州貴鄉縣金隄鄉吳河里之原遷夫人之殯歸同室之期而柩焉禮也公孝敬忠信慈仁睦友造次顛沛一以貫之在家如嚴君撫人如慈父違其子而進猶子逾十起之愛傳八命之榮則宋穆不獨賢伯魚有慙德積載餘慶並時而昌胤子十一人長子維皇魏州刺史次子朝左神武將軍知軍事檢校右散騎常侍兼御史大夫三子華皇太常少卿駙馬都尉尚永樂長公主永樂薨復尚新都長公主贈工部尚書四子繹皇試大理評事五子綸皇監察御史裏行七子繪八子純不幸早世九子紛靈河南參軍十子紳殿中侍御史內供奉

十一子縉殿中侍御史內供奉皆文武奕世忠孝傳家或至大官或階清級誕生檢校尚書右僕射同中書門下平章事駙馬都尉鴈門郡王襲實封五百戶贈司空緒則公之第六子也纂承鴻勳不忝前烈開戚里之貴繼茅土之封繡轂朱輪光輝日新聖朝覃孝理之恩軫聞輦之念復追贈公太傅復贈魏州大都督相國烝烝孝思霜露增感復以生祠故事具表上聞天子彰善崇德乃許追立爰命詞臣禮部侍郎呂渭徵譔林烈厥功茂焉相國生工部尚書兼魏州大都督府長史御史大夫充魏博相貝澶衛等州節度管內度支營田觀察處置等使季安繼踵象賢克荷丕構玉立冰潔孤高不羣駸駸逸足長途萬里勲賢接武今古罕倫嗚呼開國承家之義顯矣翼子謀孫之道光矣沒而不朽非公而誰抗賓事戎麾出入三世目覩芳躅

耳聆嘉聲不愧之詞誠非諂上敢刊樂石傳於無窮詞曰
維岳雄氣鍾于崆峒委和孕靈降生我公於惟我公其德
崇崇處暗不昧在明則通其運屬昌時功居顯位天子命
我莅于東魏榮傳曳履寵拜端揆乃領司空俄登太尉其
爰立作相俾屏我王訓節制師威不庭方爲國之紀爲人
之網教義聿修德音孔揚其上天降災奪我元老邦國殄
瘁誰去壽考梁木其壞嘉言是寶隴月阡松荒煙蔓草其
墮淚碑在生祠廟存澤流福子慶被孝孫日下甘棠風清
德門刻此金石傳芳後昆其

嶺南節度使韋公神道碑

蕭韜

韋氏之世系尚矣陶唐氏之後有國豕韋者實爲商伯周
棄遷于楚之彭城故漢興韋孟爲楚元王傳繇孟五世至
丞相賢韋氏遂顯大賢封扶揚後徙平陵及子玄威別徙

杜陵子孫家焉遂爲京兆人玄成生寬寬生育育生後
漢尚書令凌浚生梓潼太守豹豹生東海相著著孫胄仕
魏爲詹事胄少子曰穆後著號爲東眷八世至隋郁城莊
公諱元禮距四岳入唐有爲陝州刺史者諱岳子於公爲
曾祖是生京兆少尹河北採訪使府君諱恒爲王父少尹
生贈刑部侍郎衡州別駕府君諱平奉天之難寇兵圍逼
時鳳翔已害其帥張鎰且應賊矣公與從父第臯能杆朱
泚于隴州斬其使者乃折其勢公乃間行西走奉天夜縋
城下蠟丸發表具獻功狀德宗把手喜泣曰富貴惟卿所
欲口授御史中丞公辭以素卑無貲願從州縣祿竟遂其
志改萬年尉從上至興元道苦風疾廢居優游散地旣慊
當世其後宜有達人娶彭城劉爲鱗女而生公諱正貫字
公理幼而神靈玲作龍長而聰異目所擊覽不忘於心耳剝

音聲洞識節奏季父太尉公臯特見器屬且必能大其家
門故名之曰臧孫年十有五先君歿於衡陽奉喪歸此裴
僕射均在江陵故少公爲表弟欲擅有外家吉凶之事且
致贈焉公泣曰不專於孤有諸父在如將聽命恐傷叔父
之義不敢拜賜之辱蜀使俄至他日反告太尉深德異之
旣除喪調補單父尉太尉有大功于國家德勢甚盛韋氏
子姓可以坐掇朱青公深自懲刻遂博極羣書自三代已
降損益制度無不稽其典要相國韋公處厚及韋湖南嗣
皆以學識相高每與公論權當世之務咸服其深切事情
雖賈生不能過也長慶初遂棄官改名對賢良極諫策登
乙科授太子校書敬宗朝又以筆原縣尉再登詳閑吏理
科遷萬年主簿考京兆進士能第上下頗得一時之俊尋
授監察御史裏行爲北都留守推官入臺爲真監察避同

濟素嫌辭不與齒除河南府司錄旋爲天平軍節度判官
得改負外郎所奉之主即故相國令狐公也丁內難服闋
故李丞相紳請爲浙東團練副使賜緋魚袋後辭職居洛
授檢校主客郎中知鹽鐵先院非其好也擢萬年令澤
州刺史又改太原行軍司馬兼御史丞加金紫從秋中僕
射之幕徵爲太府少卿改泗州刺史歷光祿卿晉州刺史
入拜司空卿時內尚食供億縣官有闕爲其奏累貶均州
刺史陞壽州團練使公當官剽劇率有良筭雖繁遽之來
千變萬態一以成機應之故日用公疑事珪稜歲校能有
餘裕所謂惜良高妙無跡可尋者耶今上初即位以理行徵
拜京兆尹京師稱難治者日有生事隨時抵礙間不容髮
未易以繩墨一面律也閤狹少失其機則見立敗雖有神
明之用一作無及已公能勺藥其間安一作然無一事如

弄小方州云奉南郊備赦令上下百般抑揚豪弱無不得其平居二年乞退除同刺史長春宮使
加左散騎常侍兼御史大夫百粵之地其俗剽輕獵浮淫之利民窄着本又遠天子之法稅調哀急舞於吏手故細昏假校益豪民用是困從公至鋤侵牟之窟削冒名之利盡反爲民煩促頓舒流庸盡復先是海外番賈羸象犀具珠而至者帥與監舶使必樓其帟異而以比幣抑償之至者見欺來者殆絕公悉變故態一無取求問其所安交易其物海客大至越人尚鬼事有冥冥者不質於醫而交易其物以成風公醜其邪命撤屋塗扉禁截紛紛之禱或曰將不利於空不聽他日秋水大溢將沒民居訛言毀神而致公撰服登城面水酹酒而聲曰苟如云云長史身存無嫁下人俄而斂退卒無害焉鍼育反正皆此類也政丞上疏請覲優

詔留之越三歲寢疾薨于位實大中五年七月二十三日享年六十有八天子爲之不視朝一日贈工部尚書明年二月庚申柩葬少陵原之世墓此薨醫問相屬比葬弔贈之使交逢凡在嶺之南軍吏與民寢寐屬繫親羣昆蟲之龔龔之族聞公之喪皆哭失市與宴公篤蘇蘇壽星龜麟與子姪之孤者收接如歸婚配慰薦唯恐不得其所居弟誨之喪傷哭變白惻動君子與朋友盡誠信於然諾踐報之道不怠如癖名人偉士多與深善樂後雋特館露精誠比比得之力仁誼懲華侈下席一作疾之日家無池館疏屬出涕平生行事可知已娶監察御史博陵崔昇女先公而歿二子長曰參文太子校書次曰温文華州參軍一女始歲方大病囑其後曰無厚葬無用鼓吹無煩謚于有司志我墓者無如故人趙君檜焉若夫碑則俾外姪蕭鄴爲之

銘庶乎實而詳也其敢以辭遂爲銘曰

雄操京兆奄宅大州太尉之後唯公得侯儒衣極摯公慊人優業術益然汲親勇誼善植牧金始卒無媿融鴻清洋式彌乃詞茲園石刻以求厥懿商伯以還汪洋其源至漢始著聿爲盛門徙居陵承繼遂蕃用儒待家世世顯尊歷隋入唐或軒或庫起隊難肖隆匪易尚書之生寔屬嶧太尉之後此句疑誤有庸有基可席而公後之孑孑自致追念顯考誦于其身如不我力曷顏于人由卑至鉅能以才振小大之治有眷有倫

昭義軍節度使辛公神道碑

牛僧孺

辛氏於隴西爲望家其後因官從帝或雍或洛源濬泐洪將微復張以及于僕射皇考璿璿益以儒業自喜優游高放不樂取求制科高第乞官山水朝廷除處州遂昌令嗜

不念歸再移仍南及亡累贈至左散騎常侍僕射諱祕字藏之即常侍府君第四子也以能通五經開元禮三命至筆原主簿書判入等爲長安尉太常卿故丞相激海高郢以唐制盡將禮樂委博士奏乞用公朝廷與之能不得去訖六年再爲祠部兵部員外博士猶如故朝有禮天地奉山園之使既謝上必奏曰臣唯乞得辛某自副幾不以禮樂累陛下上高之連可故公再爲禮儀使判官雖當時耆年鴻生語及禮即唯曰辛某在若不敢出口元和皇帝初元年高選刺史公出爲湖州時觀察使李錡不奉詔舉江南六州兵獲疑京口窺林石渡臨江索留因命心腹將率壯士高職重賄鈎其膽且約曰若等當以某日同起取五刺史欲斬以號令錡在鎮實多年交有素故刺不得隸兵馬及難作顏防用李雲驅市人舉常一戰敗走李素受縛於

蘇頌釘船隍唯公以儒雅賊未急迫公乃夜起撫左右曰使若等有父母妻子成其家皆天子恩也若能隨李錡爲賊乎左右皆泣曰唯公命乃開羅城門收湖下子弟得人數百公親以衣衣之以食食之丞里掩出麴壘始呼大戰州東斬將屠營值旦悉殲登城號令中外恬然於是時武功冠江南錡爲之失勢就縛天子親命使以金印紫綬賞公急詔徵爲河東軍司馬兼御史中丞其實將以大將節付與以故未畢就拜爲左司郎中更京兆汝州刺史本州防禦諫議大夫出爲常州刺史治職檢身專疑問昭升改河南君時天子大舉伐趙旣釋復征司空度率五諸侯取蔡連戰四年伊瀍之郊屬刻百役公撫困應湏怛怛寧寧上大喜出少府節以豹竿戟毒藥驛走就授先一日立百辟於朝讀白紵詔命公昭義軍節度使潞州大都督府長史

檢校工部尚書兼御史大夫公褒衣儒冠帶劍持節潞自盧從史不稟不供急斂自守人已大罷及柝鄉連營三歲決死公之至止開城入府量倉數藏酸寒濩落公私之具盡可哀癘左右前後計於公請乞救於上公曰天子以兵定殘賊空內府賞死士於今數年矣吾不能如卜武輩以家助獻詎敢復以請求苦上耶於是約出畜用度俸不入家聘不資金宴不侑樂食不兼豆更四年詔徵府有費十七萬食倉有斛十七萬刃鋤函堅幟赤幕青十五年冬行於洛及關以疾不任朝覲天子命中貴人郊勞歸第以十二月己卯薨享年六十四上憫惜震悼罷朝贈尚書右僕射贈賙亦加公於得入仕以業儒書於得著名以典禮樂於得勲賞以立武功於善終始以謙退勤儉於中外親既有名而貴於屬且近者餉給無所加踈而賤雖千百里

曠不相面頌與所加疑大官十五年居不易宅死亡之日
家不歲計公之於孔門可謂成人矣子男八人少穆少逸
少恭長順仲邕行質仲和行儉或儒或文仕遍侯國夫人
河東裴氏先公而卒將葬而公歎曰人之居無常而墳墓
因焉吾家之兆及於四代三卜矣且使吾死有吾豈止墓
而守者焉吾死無吾於地固無擇而已矣他日吾死於此
亦遂葬而無用遷焉遂定乎萬年縣洪原鄉少陵原及將
亡前爲文自誌其墓又重前說歿有書一通緘置几上既
開之即送往節終之制具盡於此既儉而周於禮不違時
之名入無不多其能終而達其不撓耳諸孤恭命無敢墜
失既一作葬會謀曰先人德行官業宜刻於石以聞不朽
隴西牛僧孺時號專業文陳郡殷台書迹絕妙且其人吾
家之壻且練吾先人行事敢不告求僧孺實紀錄而台實

書既序而銘曰

禮災於秦漢綿絕存晉卑胡僭俎豆臊腥慕古惟唐求據
經公嘗博士綴緝搜羅三代之儀濟濟復興祗職六年
區別嚴兢儒道克施亦志武事憑江錡反公實郡吏掉棘
張空以出不防萬鳥同網血赫湖塘江南之功焯出有光
鄒魯諸因生公張皇憂恭慎法奉守王度入郎出牧眉洛
將路茹剛撫弱銷剔人蠹居不易第服不易初財分先族
以儉遺孤恬於將終執筆自誌男良女淑既壽而貴謂爲
人之易此何而詩以備傳不刻不磨

文苑英華卷第九百十五

登仕郎胡柯

鄉貢進士彭

叔夏

校正

文苑英華卷第九百十六

碑七十三 神道三十四

職官二十四 節度三

邠寧慶等州節度使孝章碑一首

義昌軍節使渾侃碑一首

邠寧慶等州節度觀察處置使朝散大夫檢校戶部尚

書兼御史大夫賜紫金魚袋贈右僕射史公神道碑 劉禹錫

僕射名孝章字得仁本北房之強世雄朔野其後因仕中

國遂為靈武連康人曾祖道德贈右散騎常侍封懷澤郡

王祖周洛銀青光祿大夫檢校太常卿兼御史中丞北海

郡王贈太子太保考憲誠早以武勇絕人積功至魏博節

度使終于河中晉絳慈隰等州節度觀察使檢校司徒兼

侍中河中尹贈太保其薨也大臣中書令晉國公裴氏為

之碑其名益顯公即侍中之元子母曰冀國夫人李氏幼

而聰寤父母賢而加愛焉及長好學遷善秀出儕輩下
諸兒號爲書生元和中太尉愬爲魏帥下令掄材於轅
門取大將家翹秀者爲子弟軍列于諸校之上公獨昌言
願効文職太尉深竒之遂假魏州大都督府叅軍長慶
二集作年常山衆叛害其帥沂國公田司徒於帳下沂公
發迹于魏人猶懷之詔命其子布以尚書授鉞統魏兵問
罪于此集作疆且報家禍布既啓行士氣不振渙然內潰
獨與冗從之旅偃旗而歸百憤攻中卒自引決先待中時
爲中軍都知兵馬使兼御史中丞全師在野閔然推戴之
請爲假侯以鎮定中貴人飛駟上聞穆宗夜召翰林學士
草詔書以真侯命之實有魏土從衆而合權也是歲公自
攝官轉本府士曹叅軍兼監察御史賜朱衣銀印推恩以
及子也一旦跪於父母前進苦言曰臣切惟大河之北地

雄兵精而天下賢士心侮之目河朔間視猶夷狄何也蓋
有土者多秉兵機際檜非以義取今臣家父侯毋封化爲
貴門君恩至矣非痛折節礪行彰信於朝廷無以弭識者
之譏寤明君之意節著於外福延于家秉時蹈機必不旋
踵言訖泣下數行父俞毋贊天性交感三心既叶萬衆潛
化天子聞而嘉之曰彼真孝集作子乃授檢校太子左諭
德兼侍御史充節度副使累遷至散騎常侍兼御史大夫
賜金印紫綬既貳軍政事如命卿苑張損益得以叅決潛
革故態人知嚮方大和三年滄景節度使李全略卒其子
同提竊據故地詔下以文誥弗革遂用大刑先侍中表請
率先諸侯使元子以督戰制曰可公承君父之命乃捐其
軀一舉而下平原墜滄壘由是加工部尚書及王師凱旋
上表願一識承明廬允之遂赴北闕下得覲於便殿上曰

嚮吾始征滄州議者皆曰彼魏之姻也慮陰為寇謀吾發
使數輩以偵之其還也僉曰爾父瀝欵於賓筵爾毋抗詞
于簾下願絕姻以立効其經始發出於爾心今滄海砥
平策勲之日宜貴爾三族命爾父為侍中遷鎮于近地加
爾禮部尚書折相衛澶三州為鎮居之俾爾一門大榮以
誇天下公拜稽首謝父遷讓已爵禮無違者翌日詔下于
明庭人咸曰史氏之寵光無有也牙旗碧幢方指東
道侍中以帳下生變聞秦極而否當歌而哭迎柩于路仰
天長號因葬于洛陽之北邙山冀國夫人柩焉寢苦枕由
以所仇同天為大酷未幾詔舉金革之義起為右金吾將
軍累表陳乞有司以違命督之輿疾即路間歲擢授鄜坊
丹延等州節度觀察處置等使居四年遷鎮于滑一歲入
為右領軍衛大將軍旋改右金吾大將軍又授鉞于邠土

孟秋至治所首冬遘疾拜章入覲不克展和鑿條革之儀
薨于靖恭里之私第享齡三十有九當開成三年十月二
十日上聞而悼之不視朝一日贈尚書右僕射明年二月
歸葬于洛都夫人琅邪王氏柩焉繼室深澤縣君博陵崔
氏有一子曰煥生七年而孤僕射之喪自復魄至葬當門
戶備祭祀建碑表皆縣君之能且命其家具事功來請曰
娶不恤家而憂幼嗣不知其先人之官業乞詞以傳于後
也君子以為知禮謹書之銘曰

斗極之下崆峒播氣鍾于侍中孔武且貴奉上致命宜昌
後嗣僕射承和親充滄瀛耳爛每敷必悅馳張漢甕有憐
生此騏驎承和親充滄瀛耳爛每敷必悅馳張漢甕有憐
陰交蝟起雞連詔下薄伐艮偶騷然時惟侍中實統魏師
蓄銳未發衆心危疑僕射為子陳謀盡詞與言涕零有感

尊慈絕姻効節精貫神祇波滄底寧王命褒之乃遷元侯
來鎮近畿乃昨元子別建旌麾一門四節焜燿當時悠忽
變生魏郊紛披喬木雖大育風不知干雲之臺列缺焚之
哀哀孝嗣丁此大酷迎護幃幃葬于東洛訴天觸地血染
縑服禮有金革詔書敦促不遂挽戈驟膺椎轂雕陰白
馬暨于邠谷雖榮三鎮不荷百祿綺紉之間珪組累累
如彼晨葩日中而萎有妻名家有子稚齒行號執禮歸
窳蒿里洛水之陽集作邛之趾尊穆敬恭集作尊幽顯同
理舊松新松集作亦像喬集作梓刻石記功垂千萬祀

義昌軍節度使渾公神道碑

路巖

叙曰天業光昭寶臣間出雲臺重杳旂常紛綸吾巨唐
乎鎮寧社稷績揚忠烈勲居第一代代不絕其渾氏乎能
尊祖法不失家聲立朝守土所居可紀其康公乎公諱侃

字復貴其先姜姓之後漢渾邪王之裔始居于崤北後遷

于河南今為代人為山西右族七代祖潭仕隋王鈐衛大

將軍生迴貴以回貴兵從我高祖神堯皇帝佐平暴亂拜

豹韜大將軍

唐宰相世系表有靈丘伯三字

生元慶為右玉鈐將軍

表作鎮國

大將靈丘伯

表無此三字

生大壽為太子僕

表僕丞

贈廣府大

都督生釋之為開府儀同三司太常卿寧朔郡王廣德中

拒杆西戎身歿王事贈司空公大父諱瑊朔方副元帥河

中節度檢校司空中書令咸寧王贈太師大有勲績其祿

祿封賞璫汾陽西平皇家中興此三人力也父諱鎬義武

軍節度易定觀察使檢校工部尚書贈太子少師娶隴西

李氏女實生公為兒時則柔教躬厚篤志於學九歲由學

弘文生擢孝廉第釋褐參同州軍事既冠益以通敏密靜

稱於人一無此三字因從先少師于藩方不忍去庭闈諸侯有以

幣以馬取者一無所就元和十二年先少師奉詔以中興
兵伐叛而卒與寇遇以數千當數萬力戰而歸坐黜循州
公憂感內結晨夜在側從容否泰之理以解發於至誠少
師爲之洒然少師夢拜勺飲壞容貌幾不全者數矣嚴
護踰大江長號慟神明親交四字一作有見者莫不惻憂其困
絕往往罷弔旣而外除大慙不稟遂退不肯仕居處飲食
若執喪者是時朝廷疑非勲臣後或言曰咸寧功累代
不可及其子身當朝以譴終未復無以示天下執政立言之
天子感其趣詔盡還少師爵土由是勲閥之家皆喜長
慶中又有言公之材行不亘在閭巷者上亦已追顯咸寧
功德未足遂授公有龍武軍倉曹參軍歷太常寺主簿太
府寺丞由是以吏事自喜明習文法咸寧王股肱王室畢
體下士召置幕府得一時之人少師仕官早成不廢法度

有譽於士大夫間公又脩潔謙遜辭禮閑雅由是仁人與
之遊長者訪其廬矣稱述日聞於庭中擢爲左贊善大
夫轉太子僕能勤其官改太府少卿始用利器化貝泉事
藜不頓鋒鉞益爲試可一日昭獻皇帝讀國史至咸寧
王卒歎渾氏時無大官者欲用公未有緣即日以銀魚朱袍
賜之俄拜金吾衛將軍寵以金紫公愈益小心俯屣不暇
武宗時至太僕卿以謹良選宣宗即位改少府監以繕理
稱又拜左金吾衛大將軍肅環衛明年遷司農卿練經
制每以處逸樂恃勤勞非忠也未出補吏不憚劇郡久之
壽陽歲數飢有盜賊上選能理者丞相舉公可用公則至
猛糾緩化曉告慰養先是有貨茶盜鬪變難制至是皆解
散走匿又勺陂之水溉田數百頃爲力勢者幸其肥美決
去其流以耕公隄防約束水復盛溢沃野之利歲歲贈多

銜爲殿中監服用如法頃之爲昭王傳多稱惜之再爲少
府監遷檢校工部尚書金吾大將軍日在彤庭宣宗器其
能遂賜高牙暢轂鎮于回中公門有將帥風習知四夷事
以故綏邊之積不日而成西戎別種王蒙者數爲邊害公
曰胡夷剽劫亦常事不煩兵塵可以信取諭以咫尺之書
果相率遁去居無何又遣其舍董英粲歸誠且貪錦繡
物公必其善意乃許互市竟不敢負約反覆初有戍卒子
爲族長所掠奴畜之至是董英粲輒購而歸之曰用報德
關城無警早開晏閉矣邊兵之輦自京師吏緣爲姦續
帛悉濫公始固疑作周察變法犯必收按至乎聚給親往觀之
舊調軍食廩度回戶內遠不克往取率爲空名又度其途
以便之自是寒無皸瘵戎益伉健旣衣之又食之撫士至
矣萃戰馬凡五百二十匹驟稱是脩金輦器五萬具補

丁壯卒三千人聚新粟五萬斛備完富戎心震慄天子
使使者賫詔即軍中加公檢校刑部尚書以報之居歲餘
復召爲大金吾昇三品階三領緹騎日益親貴今天子即
位謀滄海帥視公曰無以易爾咸通二年遂授義昌軍節
度使其理如在涇始至則表蠲水旱逋甚衆先是井爲海
染人不可飲遂闕河以汲舟行則泱泱又輒塞公視而計
之泱鑿高蓄舟來不留縷垂不息厥功亟就于今賴之有
田千頃游惰者不顧公乃勤闢悉爲膏腴旣飲之又食之
養人至矣窮民有鬻子者爲之贖歸故校有孤女者時其
配偶來不辯葬骨暴於野皆爲調棺柩具粟帛郵亭相遠
道里患苦作室其間以庇來往歲比不稔給軍未贍峙糧
十六萬石以爲儲蓄大抵能推誠於下辛苦率先民愁未
解公費未足孜孜之雖人之求去已疾謀致家温不如

也。以故感神，既來瑞鷲，疑百姓洎文武吏，謳誦借留，護戎者奏其狀。天子嘉焉，詔曰：「幸卒教化之許，留旬歲。五年秋，受代朝廷方圖其功，會其冬以疾聞。明年三月二日，薨于大寧里私第，享年六十九。其年十二月某日，葬于京兆府萬年縣洪固鄉胄貴里。於戲，豹韜以義兵顯，寧朔以邊患死。咸寧以殊烈一作勲著少師，以威名用。洎公以材能選，陳力無曠。廢渾氏之風類，是自穆宗後，天下火事由是。公未嘗有關戰功，始則以至行好學，恂恂若儒者；中則以精力辨疑，爲措吏終則以和衆靜邊名之良帥。不矜輿馬之飾，不嗜梁肉之味，家產稍贍，則以振昆弟賓客。士有賢者，雖貧賤必與之均敵，以脩飭光位，以功効進。自解褐數十年，歷九卿，爲三千七均石，繼父位，臨方面，榮當代焉。保身守道，一無塗汙於戲。渾氏陰德待封之慶，則大於于公。虞誦戰勲，

忘家之跡，則優於平陽去病子孫支屬之榮，則高於萬石耿氏。然若公之材，未大施設，不繼乎台鼎，不邇於期頤，斯慊慊於五福也。薨之日，天子軫悼，不朝，贈大司馬。葬之日，給太常儀仗，博士定謚曰康斯，可以自見於後代矣。長子曰術，詹事府司直，早終。次子銜，特徽普卓，皆幼。父病篤，召從父第，右威衛上將軍，佶泣告曰：「先少師以後事託吾季父，爾必繼之。佶涕泗遵用禮儀，備具。他日持故吏行狀，託余斯文，是以叙而銘之曰：

命氏自姜有後于唐，咸寧達人實獲玉璜，功德愈甚。其緒乃昌，少師宜之。龍節煌煌，尚書有繼。卓然非歲執衆之日，厥生幾遊。渾氏有子，天子下制，擢爲大官。如翼高矣，帝前謹恭，俾牧于東。盜走年豐，後爲元戎，簞煙息波，爾有顯庸。厥庸惟富，施之無窮。宜久饗樂，神報何薄。厥德有本，頌之

靡涸實銘於斯不銷不落

文苑英華卷第九百十六

登仕郎胡柯 鄉貢進士彭叔夏 校正

文苑英華卷第九百十七

碑七十四 神道三十五

職官二十五 節察防團使副

福州團練薛審碑一首

宣歙池等州團練王質碑一首

河西節度副大使安忠敬碑一首

四鎮節度副使楊和碑一首

故福建等州都團練觀察處置使福州刺史御
史中丞贈左散騎常侍薛公神道碑 劉禹錫

薛在三代為候國分于鄒魯間傳世三十有一為齊所并
其公子犇楚錫土田于沛漢末避仇之成都曹魏平蜀從
家汾陰遂為河東臨晉人自奚仲為夏車服大夫距今數
千年乘軒服冕為奔冠世言氏族者為關內署甲姓天意
若曰始有功於車服錫爾子孫世世有之 一作公諱審字

某曾祖寶胤以名家子且有學行歷尚書郎雍州司馬邠
州刺史王父會集作繪有雋材刺三郡金密綿皆以治聞累
績至銀青光祿大夫封龍門侯烈考承矩以文亡害仕至
大理丞公幼承前人之履露補崇文生歲滿得調主簿書
于毫之譙苦二邑又尉于東畿之河清貞元中上方與丞
相調兵食思得通吏治而習邊事者計相以公爲對乃授
監察御史裏行充京兆水運使局居鴈門主穀糴具舟楫
募勇壯且便弓矢者爲榜夫千有餘人隸尺籍伍符制如
舟師詔以中貴人護之聲震塞上每發粟汴河赴行涉戎
落以饋緣邊諸軍及乘障者雖河塞迴遠必剋期如合符
一歲中省費萬計累加侍御史內供奉賜緋魚袋有司條
白其勞入拜殿內史未幾淮海節將以戎倅缺聞事下丞
相御史擇可者僉曰公政事已試遂授檢校戶部員外郎

兼御史淮南軍司馬尋轉駕部郎中錫以金紫遇府遷申
命真相趙國公帶中書侍郎代之公主行臺留務趙公文
茵及境視置郵供帳及郊視將迎部伍下車視簾幃器備
及曰信竒才也此不足以展驥朝廷知之擢爲泗濱守旣
報政就如御史中丞俄遷福建都團練觀察使閩有負海
之饒其民悍而俗鬼居洞砦家桴筏者與華言不通公兼
戎崇以治之五州民咸悅元和十年某月某日薨于位年
六十七贈右散騎常侍夫人趙郡李氏無兒早出繼夫人
隴西李氏檢禮部尚書河東節度使說之女子疑爲嗣季
子茂弘以諸侯禮議返葬故里蛾眉原從周也後二十
有三年元日開成疑爲平盧從事謹按甲令礮碑石來乞
辭以垂於集作于悠久初公治粟于朔陸愚方冠惠文冠察
行馬外事聆風相厚謂可妻也以元女歸之明年愚入尚書

為郎職隸計司因白計相召公來會府行有日矣遇內禪
惟新愚以緣坐左貶間關外後竟不克面然而公之德善
灌注心耳孝悌為根抵誠明技業之一作為直方為天質
禮讓緣飾之所至諒然繇此道也公初下世故人丞相李
太師誌其墓略曰弘深莊重幹敏絕人此與游者傳信之
詞也豈誣也哉故作銘曰

河汾齋淪鼎氣歎雲散為昌光疑為賢人常侍之生其宗
孔碩從祖昆弟誥誥三百文館入仕幽龍未集作光尺木

為階俄秋集作然欲翔司會知材績宣朔方邊師萬候俟我

羸糧汴于黃河路出戎疆募乃勇士阜衣挽航膺索臂孤
穹廬在旁虜聞公名憚不敢藪安北已南列城相望率有
儲峙皆成金湯入居殿中分巡輦下淮海軍大往為司馬
軍中之治可移諸民乃牧于泗乃廉于閩閩悍而囂夷風

脆急恩信綏之委然如蟄閩分不淑天奪其福公薨于寢

玄赫以復天王廢朝贈之金貂萐萐晉原鬱鬱集作中條

大墓舊阡松楸蕭蕭茄鼓以歸德音孔昭

故宣歙池等州都團練觀察處置使宣州刺史

兼御史中丞贈左散騎常侍王公神道碑前人

常侍諱質字莘卿始得姓自周靈王太子晉賓天而僊時

人曰王子因去姬為王氏自秦漢以還世多顯名由今而

上十有一代名傑仕元魏為并州刺史子孫因家遂為太

原析人并州六代孫名通字仲淹在隋朝諸儒唯通能明

王道隱居白牛谿游其門皆天下雋傑著書行於世既歿

謚曰文中子文中生福祚為蔡州上蔡主簿上蔡生勉舉

進士試賢良皆上第仕至河中府寶鼎令寶即公之曾祖

也祖諱怡渝州司戶參軍考諱潛揚州天長縣丞贈尚書

吏部郎中公其季子也始文中先生有重名於隋末其弟
勳亦以有道顯于國初自號東臯子文章高逸傳在集作
人間議者謂兄以大中立言弟遊方外遂性二百年間居
子稱之雖四夷亦聞其名字公性有遠志常自忖度我大
名之後不且無見焉遂力學厚自淬琢於春秋得之集作
公是於禮得之約僑居泚水上躬督穡事善積於已而淮
楚間羣彥多與之游公歎然自少無進取意與游者激之
曰卿文儒家子篤志如是盍求發聞去聲俾家聲不頽今夫
以文字芒洋當世者誰如華卿庸自棄耶入謀于閨門咸
以外言為是因決策而西上在貢士籍天和內充不以時
尚胥意角逐攻取初無此心如椶櫚生于深林未始自貴
而度材者一眄歆然在懷故以不爭而速售既登第東諸
侯交辟之從至者記室于嶺南授正字參謀于淮右進協

律郎其後佐許下暨梓潼南梁率為上介官至兼監察御
史司憲聞其賢徵入南臺轉殿內歷侍御史改尚書部負
外復為知己所薦遷秩授集作司勳郎中攝御史中丞紫
衣金章充山南西道節度副使入為尚書中部郎中以方
雅特立除諫議大夫會宋丞相坐狷直為飛語所陷抱不
測之罪大僚進言無益公率諫官數輩日晏伏閣上為不
時開便殿公終夜集作獨憂集作涕泗集作宰相惜去又
重違誠請增之以兼御史中丞相示異於人也大抵集作
以審謀而進者有時而衰以朴厚而知者無迹而固公雅
得時從輕比終旆進中獨感激雪涕居多由是上怒稍解
為今揚州牧贊皇公所知人不見其迹方在魏略贊皇入
相擢為左曹給事中凡有大官缺必寵薦居數月遷河南
尹又未幾鎮宛陵是三者中外所注意不旬歲而周歷之

時論不以爲黨河南帝之別京其治尚體度風采而別白
區處之宣城國之奧壤其治在東吏惠下蘇疲羸訾剽輕
而勞俸澄汰之公兩得其道不由一揆率身以儉而素風
存任人以誠而羣務舉遇中貴人以禮而故態革內繁其
志下盡其忠外無以撓其集作理三者具求政之有批曷
由哉在鎮三載開成元年十二月八日薨于位享年六十
三監軍使上言有詔軫悼不視朝贈左散騎常侍明年八
月十一日葬于河南府永寧縣洛川鄉史原從舊阡也初
公娶于滎陽鄭氏生三女而歿今蓋村焉一子曰慶存方
齒矣猶子前太原府參軍扶執宗長書來請曰扶也早孤
蒙集作荷集作世父常侍之覆露今其嗣幼未任克家姑封琴書
司管籥以俟其長竊懼世父之德音不敷思有以重于後
者以誠告于從叔大使農復命曰俞謹礱貞石以乞辭無

忽余昔爲郎與常侍同列已熟其行實及讀墓誌即今丞
相益州牧趙郡李公之文自稱爲忘形有其在宣州李公
再入相議以第一官處之集作讓不取羔鴈所禮則河東裴
夷直天水趙哲隴西李行方吳郡陸紹梁國劉賁集作博
陵崔珣人咸曰得士夫揚州少與也而見器益州寡合也
而見親六從事材不一也而樂用是足以觀德庸可勿
紀焉銘曰

隨有文中紹敷微言當時偉人咸出其門粹氣紆餘鐘于
後昆常侍恂恂文中來孫發源高麓中沫後大蘭牙茁然
秀出藜薈善不迹其聲日彰行勇於退其道愈光哲古者
知之寘於集作周行以正持憲以文爲郎以和佐戎以惠
臨邦以直司諫以公駿政守于三川頑民底定乃鎮于宣
先馳淑聲邑中婆娑瞻我旆旌問誰詢謀濟濟君子問

誰出納潔潔廉士道本乎心暢于四支治本乎正形于百爲
黠吏斂手齊民揚眉江清集作數空夜柝弗施公卧于齊
邦民恹恹集作樓樓公衣陞屋邦民行哭牙璋斯來柳髮言旋
棠樹未老周人慕焉熊耳之陽決洛川佳城在茲旣固且
安松楸颺然石馬矯然過者必敬宛陵之阡

河西節度副大使鄯州都督安公神道碑 張說

公諱忠敬字某武威人也軒轅帝孫降尹集作弱水安息

王子以國爲姓世高之違漢季自河南而適遼東高陽之

受魏封由陰山而宅涼土高陽王岡集作生尚書左僕射

河澗公原晤其集作河間生建節將軍西平公纘徒集作

正西平生龍驤將軍黃門侍郎廣宗侯薛晤微累葉勲華

載於魏史高祖何藏器廣宗之子也周開府儀同三司寧

遠將軍肅州刺史張掖郡公曾祖羅方大隨開府儀同三

司皇朝贈石州刺史貴鄉公祖興貴右武侯大將軍涼州

刺史徙封榮涼歸三國公考文生不仕涼公皇運經綸首

平李軌大舉河湟之地遠通城郭之國寵錫蕃庶冠絕等

彝水出渥洼之神文馬者二千乘山得崆峒之武朱輪者

四十人公育榮盛之門鬱豪爽之氣孝友天至清華玉立

幼聚童兒必爲軍陣之戲長交英俊唯談韜略之書始以

良家子僕射韋公待價引於帳下安息軍建奇績解褐授

游擊將軍臨洮府右果毅復以善部統御史大夫唐休璟

處之前鋒洪源谷立意効遷右威衛翊府右即將兼新泉

軍使進本衛中即將赤水軍副使兼赤水新泉兩軍監牧

改會州刺史營田使換松州都督防禦使遷左司禦率兼

河西節度副大使臨洮軍使轉鄯州都督使如故其在軍

州傾心下士視人如子無約而親附不言而條理其在農

牧大田多稼如茨如梁思馬斯才有驕有皇輸力四廟歷
官三紀名參禁衛身任疆場以靜惣繁以逸待冠我無亡
鏃之費敵有不戰之屈茲所謂一方之干城者也享年六
十有六開元十四年十二月二十八日寢疾終於位知與不
知莫不隕涕十五年某月葬於烏城之南志公鄉附先
塋也公寬以御衆卑以自牧直而無訐廉而無剝朋友不
聞臧否之言家人不見喜愠之色加以心淨三業躬懃八
戒推是而行何往不濟初甘州有舍利沙集作多禪師道
場之四果也嘗云擅越德充於內神護於外雖冒鋒鏑未
無害也及百戰之後啓手歸全西州士人聞之激勵有子
仲璋如璋季璋重璋全璋庭襲芝蘭裘過欒棘敬奉宅
窆備禮儀於文武撰述家風刻功名於金石詞曰
玉關氣爽金披秋澈涼野蕭條寒山積雪授靈產義精勁

才傑孝固純深忠惟剛烈負羽從軍奮飛青雲麾幢按部惠
流時兩惣軍挾郡入文出武三十年間五遏戎虜疆場務
靜非公莫鎮金鼓氣雄非公莫震神山與鉄龍池取駿霹
靂陷營衝風入陣勇將知時仁兵善持反耕去戰王者之
師牧馬如雲屯庾如坻西軍方壯東首長辭振古同嗟沒
而不死所謂明德永傳神理鍾鼎題門珠玉名子信言豐
石令聞不已

四鎮節度副使右金吾大將軍楊公神道碑 楊炎

昔我乃祖肇族關西左華右河前號後晉食唐虞之地首
韓魏之封大輅輦瑒彤弓之錫此之謂保姓在帝爲高壽
氏在周爲司徒在秦爲上卿在漢爲太尉此之謂世祿太
尉之道齊宣父大夫之文似相如此之謂世德內事之採
金虎赤泉之斷江龍兗州佐命於齊驃騎重侯于晉逮公

能官其業此之謂武功公名和字憐恭河東人也爲高祖
驃騎之曾孫大父諱言隋朝散大夫國士經術之奧高論
上痒泊河海風塵吳輿敗露出補棣州蒲臺令考諱指
河州大夏縣令以神明之化出綰桐鄉驥躅于轅蛇蟠于沼
公賢明本乎祖德精勁因乎地氣好兵有秦韓之俗受學
得孫吳之書發跡洮隴成功西極杖劍出萬人單車入絕域
則羣兇下拜室胡隧則漠地空所以利建侯成輅之賞
凡三破石國羈征蘇祿開勅者三誅達覓者一始自弱水
府別將至執金吾十五攻常冠軍鋒大小百餘戰竟終牖
下初開元中羣胡方盛南寇于闐公以中軍副鼓行而前
雲火照於王庭雷霆起於帳下故羸師破竹後騎建瓴灌
夫之勇也二十七年有詔四鎮諸軍大出漢南壘問罪蘇
祿洗兵滇河旌甲數萬人城池五十國公以麾下爲前

四罪之名有百牢之饋酈生之奇也後五載有累姓之後
來朝京師金甲善馬織文大具告于大廟之室予大庫之
庭公覽傳常遺風烏孫故事井泉可數談笑成功上壯
之賜弓甲一副廐馬二疋伏波之美也明年元師封常清
署公行軍司馬都虞候西討石國觀兵海隅歷莎車臨大
夏見條支之歆邛支之頭烜兮赫兮雲卷萬里博望之
略也自武衛將軍四鎮經略副使加雲麾將軍兼于闐軍
大使其他兵甲之富寶玉之林公鎮以清靜同其習俗如
鼓簧瑟政用大康又遷金吾大將軍四鎮節度副使金紫
之貴樊纓羽旄雄風凜然壯圖未極方將載衣冠於地表
會風雨於天庭夢厲成災明遙生疾以十四載五月薨於
鎮西之官舍春秋若干夫人晉陽賈氏彼美孟姜顏如桃
李靈劍始合泛于碧海之潯鷓鷯漸冲坐于青蓮之界嗣

子預有霸王之略好倜儻之奇初以右武衛郎將見于行
在天子美其談問以中興遂西聚鐵關之兵北稅堅昆之
馬起日域開天即特拜左衛將軍兼瓜州都督關西兵
馬使又遷伊西北庭都護策茂勲也誅門人以息羣盜設
勇爵以酬諸戎鍾鼓再考駢旄旣備可以答明君告宗廟
揚于祖考有銘篆之功問于蒼龜無松榆之舊以月日與
次于某葬我公于某所禮也烏戲昔齊方草昧而兗州降
隋室始創而驃騎興當今受命而武作豈公侯之美必復
將輔佐之跡有歸歟中丞以炎聽于親宗服於祖業捧
持簡牘見託斯文丘陵蒼蒼歸于萬世地連汾水之舊其
望虞鄉之古祠遠蒼龍松寒石馬晉人墮淚如看峴首之
碑漢將焚舟遙識邗連之冢銘曰

偉哉忠壯萬夫之冠熊視三軍鷹揚霄漢星殞月窟魄沉

海畔寥落英風功名相半我有令子王之寶臣勛參千亂
名畫騏驎光華玉帳出入朱輪祠于上蔡奉我先人反葬
何鄉言歸晉土蒲坂之北汾陰東澗雲雨千峰山河萬古
蟠青蛇兮負騰虎埋金劍兮何時覩

文苑卷第九百十七

登仕郎胡 柯 鄉貢進士彭 叔夏 校正

文苑英華卷第九百十八

碑七十五 神道三十六

職官二十六 留守火尹附

東都留守韋虛心碑一首

東都留守顧少連碑一首

河南少尹竇府君碑一首

東都留守韋公神道碑

孫述

夫作春秋者必見於行事論將師者蓋知其為人余為郎

時南皮公竇掌小司馬之職接武官次亟聞話言故思其

人詢於事可知而見之矣公諱虛心字某京兆杜陵人也

甄六氣之純粹協九疇之正直沉靜端慤仁慈隱厚忠之

屬也清貞本於至公孝之終也毀瘁過於寧戚斯所以行

成於內名揚於世者已越在童冠升于膠序介然獨立異

于諸生國子溥士范願嘗與均禮疑然考功負外郎李迥秀

擢以高第及夫歧下參鄉河東主吏能於細謀其長御史
賈虛舟舉以勸中丞侯令德與從常辦習於學也如彼材
諸位也若此欲無顯得乎明明天法廷尉攸序命公作大
理司直大理丞以致于卿肅肅王度憲臺是忒命公作侍
御史以至于中丞長人之官以視百姓命公作歙曹二州
刺史荆潞揚三州長史以至于太原尹司會之府允釐庶
績命公作倉部左司二員外戶部兵部右司三郎中左右
丞兵部侍郎以至于工部尚書其餘掌吏部選採訪處置
使東都留守皆文疑作大任也又能兼之清風暢於臺寺陰雨膏
於郡國所居致理所去懷德德以處事事以度功功成而
義不愆事正而名不悖故今之言任職者祖南皮焉初景
龍中西域羌胡或謀背誕天威逮捕吏義疑依咸劉公理其獄
旬時伏念以爲刑者所以明德除害也誅其桀黠可以除

害捨其脅從可以明德繇是全活者千有餘人洎皇帝二
十四年鑿駕還長安之月一作日有坐殊死在繇繫者時迫季
冬將寘嚴法公爲之請曰攸徂之慶方喜來蘇好生之德
宜加在宥上可其奏咸許從流此則蘇公之繇獄釋之之
聽理也曩者竇懷真奸侯之尤欲行私惠劉幽求勳庸茂
將復私讎各有愛憎公嘗按驗皆舉直以明枉不詭隨
而曲從秉心惟一蹈尾無懼其後刑有大賈利合權門楊
有貪吏婚連相國公亦旣條察先詰奸家或命出其罪給郵
置於三舍或撻記其過啓刑書於五宅此即山甫之不吐旣
石奢之無避也爾其富人輿利導俗閑邪於壽春則引芍
波以旣田於廬江則縣舒城以止盜芟牧之地實生稻梁
菑蒲之澤遂均廬井此即信臣之方畧少卿之理化也若
及擇木親仁度材委政謂唐林璟盧從愿先達之崇也故

輯寧關右嘗與偕行謂趙良器劉瑄後來之選也故廉問淮
瀆舉以為介此則欒武之從善趙宣之使也疇若予工實
諧俞往上方倚相適會云亡享年七十以開元二十九年
某月日遘疾薨於東都留寧仁里之私第皇帝悼焉揚州大
都督府印綬贈物一百五十疋米粟一百五十石賜謚曰
貞明年某月日葬真公於京兆之高陽原柎先塋禮也昔
者豕常作伯扶陽仍相寘德于後莫之與京公曾祖叔謙
事太宗為考功郎中與兄叔諧季武同在郎署時人謂三
列宿大父曰知人事高宗歷司庫負外郎贈職方郎中公
烈考曰維事睿宗歷戶部郎中終於左庶子贈絳州刺史
公季弟曰虛舟事皇帝歷戶部司勳郎中今移左司唐興
已來歷華省折薪齊美棠棣同外述職為奉先在嘗僚為
克宥人物之盛凡今莫儔先是庶子府君之為戶部郎署

天庭之內首種行柳公及令弟能業其官曾是封殖益以
蕃廡比行善而不朽將樹德之偕滋遷臺譽之嘗歌勿翦
君子有以知帝氏之昌阜未可量也貞公之軌度所及遠
也有美如是可無述焉肆其孤有方增末世之業先人之
志俾余論綴故作是銘曰

龍旂翼商勳績惟光柝胤其昌簪紱斯皇東郊處守北里
居方時清任大運促人亡真公之德柔和諒直始終不忒
存歿為則高墳有平豐石有勒芳名可久未末無極

東都留守顧公神道碑

杜黃裳

撰 常夏卿 銘

昔康王以成周之衆命畢公保釐東郊承二后之業周禮
以天官卿為冢宰漢以大司馬為將相國朝以尚書僕射
師長百揆此四者人臣之極公盡更之有不至追而命之
公之德盛矣公諱少連字夷仲吳郡人也夏后少康以禹

葬會稽命次子爲越王以主祀漢封裔孫其爲顧侯績禹
之緒厥後歛蔓世居河南中原戰爭復往吳會自晉司空
和洎梁給事中耀至公十三代矣衣冠禮樂爲江左著族
曾王父諱君卿晉朝柳一作柳州司馬大父諱克忠縉雲郎司
倉叅軍贈邠州刺史烈考諱望贈祕書監祕書府君慕梁
伯鸞於陵仲子安貞履道不辱其身該通六經旁貫百氏
究天人之際盡性命之端公蘊山岳粹靈承祖考休慶稷
姿偉度識達行方志存遠大道契先覺每躬率耕稼勵精
墳典齒列上庠升堂觀奧時小宗伯薛公邕深所難異以
爲東南之美盡在廊廟之器不孤擢進士甲科猶詩人錯
新之義丁祕書府君憂居喪柴毀殆至滅性旣祥而哀未
忘也父之以書辨高第典校祕文秩滿授登封主簿時議
以皇居在鎬砥名之士登近甸者俗不爲東畿殊不知樂

嵩少之遊奮鴻鵠之翼先是邑有暴虎公以爲天道一作神格可
以誠感猛鷲可以仁服乃埋塞陷穿移撤靈岳於是人安
其居獸不爲害其通理遂性也如是及休告東洛居守鄭
公叔則辟爲從事非其所好終以疾辭其明年書判超絕
登第亞相于公頌推公義行詔拜監察御史京師內亂鑿
輅時巡公節見難危步至行在陳少康滅澆之計墨翟設
拒之宜帝納其忠拜水部員外郎翰林學士隨難南梁遷
禮部郎中加朱紱銀綬學士如故贊絲綸之審命叅帷幄
之謀猷屢獻嘉言克昌天業秉輿反正疇勞計功退保沖
謙口不言祿以東吳播越叶於方墓表求遷奉辭志哀懇
德宗以公職在邇署重違其請乃命長男王叢中使監護
水陸縣道欽禔之飾悉令仰給葬於偃師隸高邑鄉却山
之趾澤漏泉壤哀榮莫儔尋以本官知制誥賜紫疑金印紫

綬遷中書舍人公在翰林僅將一紀富平以周密自著萬石以謹審見稱故造辟而言詭辭而出讜言碩畫入莫得聞帝深嘉之方將大任以文昌理本歷試其能凡三踐列曹再登八座一爲散騎常侍一爲左丞雖分職各殊領者數矣公之在地官也辨土地之名物稽夫家之衆寡四人不瀆五教允敷斂施以時貴賤有節所以法通制而濟經費也公在秩宗明典禮以正威儀變樂府而和上下錯綜經術辨論俊造黜浮僞而尚敦素以勸人文而化天下也公在天官綜六典以佐邦理緝八柄以馭羣司登降庸勲權衡流品抑貪員而進賢能所以代天工而立人極也珥貂騎省以直方備顧問以謇諤處朋儕時有權臣怙寵人多附麗公面折其短數而絕之羣情爲危正色不撓旋持左轄旁惣機曹之事凡三典賓貢三掌銓衡藻鑒表於

知人清通播於會令問萬邦輻輳五都浩穰命公尹京兆以爲設鈞距途赭衣前人一作吏之所爲不足以爲四海式於是布和平尚簡易始務仁人之惠無取赫赫之名政弘大體去有餘慕遷吏部尚書復行太宰之職轉兵部尚書兼御史大夫東都留守處納言之位儀亞相之府行二南之化申伐九之威以落苑閑田汝墳曠土乞田積粟務穡勸分貞我師律載清東夏孟元陽有激水之功爲當時所掩公密薦于先帝言雖不情一作成識者美之嗚呼昭假其功馨香其德宜升玉鉉而底太階天不憖遺梁木斯壞以貞元癸未年一作歲十月四日薨于洛陽崇讓里之私第春秋六十三都人罷市而洒泣皇上廢朝以興悼乃命有司葬日給鹵簿簫鼓追贈尚書右僕射飾終之義備矣太常考行謚曰敬夫人同郡陸氏常州司馬綺之女也蘊中饋中饋內弼

之美女儀之德宜配君子光我閨門石窳未封先公而謝有
子曰師闋克家光烈早歲繼明以校萃甲科歷咸陽尉次
曰師安太常寺大祝次曰宗或宗憲志文好學不墜先業
凱風之思有感入聲一作聽師閔等考卜先遠以明年二月
十五日奉公泊夫人之裳帷合葬于亳邑村先塋禮也以
黃裳陪南宮之班列接西掖之周行忝於史官頗知系錄
叙事詢於故老銘德孝疑作存於碩儒追琢豐碑一作求播徽烈
其詞曰

惟洪哲人含道研幾大方不器正德疑作德思惟磅礴山立
危昂鳳姿耽耽廣廈浩浩澄陂元化及物聖主爲時嘉猷
式贊密誥是司十餘年間造膝詭詞顯仁藏用孰得而知
天地有公輔相其宜綜網清轄揭禮高闈貂蟬峨峨親侍
玉墀帝思其人則曰汝爲乃齊九賦乃張四維清濁是分

集於靈龜析析名一作強多士天一作在下觀願正直摧剛誠明滅私
孰云弘烈一作強樂禦一作視若嬰兒量人氣折觸角用羸因智圖
難尹正邦圻無念鯁寡克宣明夷一作威尼父有言裁者培之
無赫斗樞迭爲官師重光疊耀近古攸希分政于東弘訓
保釐方侯兀宰聿來膺斯一作期嗚呼不淑棟幹其萎神昧
於仁胡可度思寵贈端右恩覃澤垂玄宇深邃龍岡逶迤
德音孔昭視我豐碑

河南少尹竇府君碑

張九齡

叙曰正其本集作身君子所以慎德敏於行吉人所以寡辭或
道之或處之是亦正命命之將行利有攸往則時不家至而
人勸言不面命而事濟不爲跡而實以阜蕃不務集作名而
聲以適駿夫如是者存乎其人故河南少尹竇公蓋有之
矣公諱某扶風平陵人自後魏大將軍侍中永富公至烈

考瀛州刺史贈刑部尚書卒國公六葉矣皆增華卿族見
重公朝四國于藩四方于宣龍旂承祀六轡耳耳公所謂
盛德必祀承簡子之始大積善餘慶是僖伯之有後故生
則靈和一作知長而純固既白而受采亦黃以通中天假不器
之性人服自然之理而沉於文雅緣飾志業孔修引伸足
以長人動用足以利物既學從政其歸易簡形有萬殊道
以一貫入致一意而已我乃萬目盡張故其始也以明經
上第授彭州叅軍事詢謀郎將器異甚厚所遇深一作森然其
言固已一作矣如山之爲始於覆篲如江之導終以方舟於是
累遷至于薛王友贊善大夫燕王築館以待士漢儲立苑
以招賓當其推擇莫匪賢俊議者惟允而公在焉然猶韞
匱隨和十城空其價蹀躞騶千里未之騁及其用也再
入尚書郎遂爲洛陽令三臺雅望一時精選舊章資以彌

綸利器呈於盤錯出宰百里實惟集作推三河其賦政則必反
於其身亦既誠信被之於物是爲惠懷故雖二州餘弊檢
巧而難理五都集作郡尤劇權顧而多姦莫不可使由之令自
求之善處中於下韉能合于遊刃至於釐舉風俗之謬裁
正人倫之經務勸衣食之原調均佞賦之事本爲已任無
間人言故視事踰四年通而不倦遺德在百姓久而益彰
非夫明允宣和優柔博約自我之不忒爲人之攸暨亦曷
由臻茲厥有洛陽所謂賢令者則周紆王渙孔翊祝良公
實績之誰其似之屬天子建中都營新邑咨爾亞尹俾其
董司朝選其人公首斯舉以故稍遷河中少尹且有後命
廢府而復遷河南焉以公之歸從人之望官則改次政無
易方以佐理王都以表則天下而年不克祚位不光寵遇
暴疾而卒悲夫是歲有唐開元之九載春秋五十有六公

以孝友為體一變而迪忠信以明恕為用再變而至循良
故所行無擇所事無巧有恒其德終且溫溫不伐其功昭
然赫赫所以遺愛固結必在何武之去稱誦思深唯恐子
產之死已而神道欺而不福物情喪其所賴人之不幸今
也云亡及喪之西歸則人吏致哀道路相屬得人心如此
其旨可知集無冬十一月葬于北原後之人或者將遊於
斯歎於斯彼其與歸我乃不朽矣其子八人長曰某次曰
某家有太丘之德里以高陽之名夙遘閔凶能哀傷以殆
滅匪革其道懼功伐之不傳俾予為文以叙孝子之志銘曰
綿綿瓜瓞少康遺烈靈則長兮莫莫葛藟王孫承祀世其
昌兮而我實續如金如玉載錫光兮咨亞尹之德柔嘉維
則惟一作揚令問兮惟別駕之功邦國不空毗胥詠兮不競不
練不剛不柔以成政兮德之攸好神之所勞實降祥兮有

美無度曷不胤祚今則亡兮我著名節碑無泯滅惠無
疆兮

文苑英華卷第九百十八

登仕郎胡柯 鄉貢進士彭叔夏 校正

文苑英華卷第九百十九

碑七十六 神道三十七

職官二十七 刺史一

周柱國公岐州刺史慕容寧碑一首

周兖州刺史廣饒公宇文帝碑一首 兖州當作南兖州下同

唐恒州刺史建昌公王義童碑一首

周柱國公岐州刺史慕容公神道碑

唐信

昔在殷書懋賞周禮議勲諸侯計功大夫稱伐惟師尚父

昆吾載寶鼎之銘王命尸程拘邑傳琯戈之賜故知太上

立德明試以功存有顯爵之榮歿有大名之貴昊天不弔

其惟楚國公乎可以旌德景鍾勲勳彝器式昭盛美載揚

洪烈者焉公諱寧字永安昌黎徒河周書作何人也都尉惣六

縣之鄉名山稱五岳之佐燕大祖文皇帝慕容皝以當世

英雄奄有河朔趙之南境且建王城冀之北土仍為興國

公即毓之苗裔家世燕隲高祖侍中使持節都督中外諸軍
事太保錄尚書北地王慕容超之世蕃屏王室詳之燕錄
可得稱焉曾祖尚書府君因魏室之難改姓豆盧仍為官
族祖仕魏文成皇帝考早亡朝廷以庸勲仗屬恩深追遠
保定三年有詔贈柱國將軍少師涪陵郡開國公食邑二
千戶公稟氣中和降祥川岳岐嶷表羈貫之年通禮稱綺
紉之歲夙著竒節幼表大成兄弟分果便知推讓賓客解
鈴曾無恹色永安元年太宰元天穆魏室蒲_疑轉握兵淮
右抗權江南公時任別將便從征伐自是長城碣石必先
行陣秦南隴西每當矢石權_疑降乘勝莫不前驅策勲行
常居第一永熙元年補子都督并加鼓節軍儀除桑乾太
守轉補都督其年以魏皇西幸奉迎大駕賜封河陽縣開
國伯增邑三百戶俄遷太中大夫改伯為侯增邑合九百

戶仍授使持節都督頭州_疑軍事頭州刺史四年遷鎮東
將軍金紫光祿大夫其年秋河橋之役先登破陣遷為軍
騎大將軍儀同三司五年沙苑之功加封合前二千戶俄
授穀州刺史加散騎常侍外深推轂內侍集作十五年授
右衛將軍十六年授大將軍後魏元年重授穀州刺史公
以先經刺舉固辭不就三年改封武陽郡開國公除尚書
僕射職惟贊奏任居封掌分左右之儔兼典舉之選屬以
江南阻兵渚宮邊敵軍機警急鋒鏑縱橫公奉命星言元
戎啓路惣秦人之銳士兼荆戶之廣卒水龍競雙刀之勢
步騎陳四分之威夷陵旣燒黔中方定旋軍反旆解甲休
兵其後鳳州內判成都外絕公又惣督衆軍蒐粟即道兵
不血刃並皆擒獲遷其酋豪納其降附皇朝受終文祖革
命神宗選賢與能改絃創制爰降冊書授公柱國增邑四

千戶二年授同州刺史衿帶關輔脣齒秦晉編戶殷積印
閣儲峙藩籬是任親賢勿居公建隼撫作物塞帷行衙部六
條斯舉百城咸勸三年授公大司寇又以公勲庸特著冊
封楚國公食邑一萬戶蓋因破侯方仁等於荆陝即其地
而封焉逖糾王慝弛張刑政式遏虜於是御之以寬猛
柔遠能邇然後平之以冲和舜任咎陶不仁者遠晉舉隨
會群盜皆奔保定四年授岐州諸軍事岐州刺史沉痼彌
翻保定五年三月四日薨于私第春秋六十有二詔贈某
官謚某公禮也十月庚申葬于洪瀆之川馳綽毀宗客車
專道玄甲被屬國之兵介士陳輕車之騎克善令終生榮
死感嗚呼哀哉經德秉哲體道居貞履貴思冲居盈一作
念損澄波千畝不能變其清濁高墻百仞無以測其汗隆
立身行已居安如墜亡躬殉義視嶮若夷至於將略應變

出竒設伏太一風角之占常從星辰之候艘船戰陣之錄
強弩馳射之書莫不動會機神發符雷電梯衝所向地靡
百樓之城長戟所臨野闕疑三門之陣是以斬將奪旗四十
三戰尊官厚祿三十七年武彰七德之義誦九功之業
迹紀庸器之文行昭易名之典昔臧文既歿穆叔稱其立
言鄭僑去亡宣尼泣其遺愛博陽青石之墓千年未平板
江白虎之碑百代無毀敢因斯義乃作銘曰
遼水之東冀州之北既曰都尉兼稱屬國劍氣餘勇雄邊
遺則孝實天經忠為令德冠冕世錄羽儀柞胤俗被燕
丹風漸英蘭劬勞行役辛苦行陣勇過溺驂氣踰瓦震王
國克生思皇多士温温恭人謙謙君子擁旄仗節出藩
入仕五韓建旗千里時逢改特題名載策勲淮陰召拜昭
陽破軍職司刑政獄慎深文沈羊不飲雀盜無聞巴庸薄

代江漢專征軍惣四校兵兼七營運長擊短後實先聲
壘威敵滅竈潛兵鍾鳴夜漏晞露朝陽邑里蕭索帳一荒
涼豐碑下極題湊遷襄宮臨擣里臺傾孟嘗宅兆戒期遠
辰告筮德遺身後名昭沒世館舍長捐泉高未閉晏嬰悼
齊柳莊悲衛風秋北原日沒川逝葬田舊頃客土新封決
墮片右劔挂孤松清徽令範千載遺蹤

周兗州刺史廣饒公宇文公神道碑

前人

唐朝以元凱並進十有六人周室以昭穆先封十有五國
發源纂胄葉派枝分開國承家珠聯璧合是用克明俊德
思皇多士盛德有後宮其裕哉公諱常字子元豫州滎陽
人也周宣中興然後樹藝建戚鄭武有國然後保姓受氏
荆衡之賦千乘莫敢加兵號鄒之封十城翻爲獻邑況復
郊門致騎先迎內史之賓南宮旦朝獨識尚書之履祖思

慶建威將軍山陽太守建威取曹仁之號可以定名山陽
有王暢之賢足觀風俗考瑱銀青金紫方於溫羨傳祗鎮
南征北比於劉弘首顛報功之冊則槐路是儀贈行之典
則荆河惟牧公弱齡早惠幼志夙成立必正方言無勦說
青衿智勇即埋雲夢之地童子失心已愛中牟之雉始遊
庠塾不無儒者之榮或見其書遂有風之雲志出忠入孝
事盡於心修身立名窮於性大統三年起義華陽先登
廣武浮潛逾汚入謂亂河蒙授永安縣開國男輔國將軍
自爾長從太祖入為帳內都督河橋接戰秋水則三月不
流落城揮鋒金墉則一月路斷西京不賓羗戎侵軼城如
飛鳥地有伏龍公以金僕裁抽靈釵暫舉蜂目已奔狼心
遂革遷平東將軍帥都督十五年襲父封魏昌縣開國伯
轉大都督魏後三年授使持節車騎大將軍儀同三司黃權

受詔嘉其入魏之攻實憲當官賞其平戎之策公之此授
勲庸著矣進廣爵饒縣開國公邑五百戶保定三年授都
督羅州諸軍事羅州刺史仍領金州兵馬應接上庸公於
文谷路溪澗崢嶸巖崖豁險山窮水斷馬束橋飛中埒既
開雙城即欵往者申息盡掩江黃無援潯陽極浦亟犯風
塵夏首西浮頻遭鋒鏑公以伏波受脤樓船誓衆入橫江
之陣進下瀨之兵越客文身湛盧終去吳人長鬣餘腥遂
遠建德四年授使持節開府儀同大將軍公孫敖下光祿之
塞諸葛誕勒尅都之山公之處焉差無慙德四方雜俗天
下殊風以君廉能使乎觀察驅傳擁節揚旌持斧旣乘
驄馬仍被繡衣群盜累足貴戚斂手鄉亭留宿幸無歸忌
之疑公車奏事寧有反之田是使陽球司隸無所申威
鮑恢都官因人成事高祖武皇帝以仲春誓衆甲子濟河

公仗劔六軍披圍八陣譬彼張遼前鋒而報魏主方之耿
拿先戰而待蕭王及乎九州迥同四隩旣宅遂得功參勇
爵名入司勳授上開府增邑五百戶加以舉功行賞推恩
分邑兼乘而反光乎譙郡之城載寶而歸照於臨漳之水
即日賜姓字與文國同族婁敬上書於鹿輅項伯舞劔於
鴻門公之此榮足爲連類以公績著屯險誠貫風霜其年
授使持節都督東徐州諸軍事徐州刺史宣政元年授都
督南充州諸軍事南充州刺史作牧濟河風行於雷澤建
旗海岱化被於淮沂檐帷入境貪殘者解印冕旒從政仁
義者郊迎豈直白石開渠青鹽換粟祥雲入境貪雨隨軒
而已哉在任遘疾薨於方鎮百里高監御斯牧賢能刺史
荀中郎連率此州中興方伯英聲茂實公之有焉詔贈某
官謚某公禮也以大象二年十一月十日歸葬於滎陽之

某山舊墓九原悽愴趙文子其可言駟馬悲鳴滕成公其
已遠若夫勒鼎刊碑銘功頌德陳其令範必在生前嗟乎
此之樹碑異乎洙泗之水此之勒石異乎燕然之山嗚呼
哀哉乃為銘曰

徐州刺史

按九百四十七卷鄭常墓誌當作東徐州刺史

高陽之子少典之孫蒼林遠構若水遙源公侯復始鍾鼎
逾繁承基纂冑建國開藩我武既公繼侯繡衣出鄭莪卿
士歸周魚陵北上榮澤東浮河移酸棗雨粟陳留祖守南
邦考鎮東部兩龜迴印雙蛇結綬日察陰風星占長柳是
曰世載其名不朽事親之道孝以立身事君之道忠以立
仁今君嗣德一此君親如松之茂如林之筠功參荆棘職
主兵戈北臨青嶺南通白波直雲橫塞長星渡河陳開
沙斷師移竈多舉功行賞封疆受位宮室鏤珪山河分地
決勝千里謀計秘建武功威名連星建旗濟深漂擁節
龜蒙既蠶桑土實撫梧桐野無異器河無別風吳亭楚壁
莫敢彎弓倏忽身世俄然松檟路轉銅魚山迴石馬武侯
之廟藥公之社望此高碑悽然淚下

唐恒州刺史建昌公王公神道碑

楊炯

王氏之先代為佐命秦之霸也則王離滅楚國而三將連
衡漢之興也則王陵誅項藉而五侯同拜南陽定命集作克定
應圖讖而作司空西晉聿興合訶謠而濟天下昔者伊尹
伊陟但保父於商朝太公相公唯輔於周室蕭何之後居
食洛而無聞鄧禹之孫在當塗而不嗣未有夏殷三統
金木五遷冊命重光軒裘集作裳代襲則我琅琊之郡有冠
蓋之里乎建昌之縣有公侯之子乎公諱義童字元推其
先琅琊臨沂人也永嘉之末徙于集於江外皇運之始遷
于集作於五陵今為雍州萬年人也祖僧興齊會稽令梁安

郡守南安縣開國侯祿位千石珪符五等營室迴於羽儀
山河入於盟誓父方賒梁正閣主簿伏波將軍梁安郡守
隋上儀同三司以和之性德集作有文武之才伏波將軍
從征等於馬援儀同三司開府均於鄧騭家餘積慶郡不
乏賢代臨本州則元賓之父喜彤於色繼為本守則張翥
之子送迎集作者如雲自齊國遜位於梁庭及隋入內於皇
室夏禹之鼎寶命集於周朝御龍之家世集作祿歸於范
氏公台階茂緒昂宿精靈五百歲之賢才一千里之王佐
忠規武節略集作學府詞林元方閨門敬其有德少游鄉里
稱其善人實惟清廟之器是曰皇居家集作之寶韻諧金石
奏虞庭之八德音合珪璋列塗山之萬國黃河一曲之水
莫測其源赤城千丈之巖未階其峻群童忽聚綴帛而引
幡旗老父相呼授履而傳兵法隋授左勳衛率非其好也

漢東離析海內風鹿天子溺於膠船諸侯問於金鼎能扶
天下之危者必據天下之安能除天下之憂者必享天下
之樂我高祖神堯皇帝就之如日望之如雲發三河集作
之雷電庭集作平四海時集作之曆象武王之杖黃鉞一月臨
於孟津高帝之執朱纘五星會集作於東井公瞻烏于屋
射隼于於集作墉陳平則間行而去楚酈生長揖而歸漢
奉符繫組觀軹道之降王偃武脩文見山陽之散馬初拜
車騎將軍稍遷右屯衛將軍錄有公也考於周典崇德報
功稽於春秋策勳舍爵車騎萬隊備涼土之羌戎衛軍千
兵掌京師之屯禁于時天下保集作初定邊方未輯二十八
舍上有無越之妖氣一十三州猶積東南之殺集作氣武
德四年詔公為江南道招慰使鼓琴而送受命而行乘使
者之輜車 行人之旌節陸賈至於南海先責尉他隨

何入於九江即徵黠布詔除泉州都督封建昌縣男食邑
三百戶斗牛星象舜禹精靈境接東甌地隣南越言其實
利則璫瑁珠璣叙其風俗則丹雘白犬公門容駟馬位列三
刀防薏苡之譏嫌絕簡書之流謗豈知集作廣州清節酌
貪泉集作於石門合浦神君返明珠於漲海貞觀三年詔
遷集作散騎常侍行果州刺史授期天帝肇跡入皇南充
國之舊都西宕渠之古邑岡巒紛糾天彭雙闕而作門珠
貝浮沉集作巴水三迴而成字公入叅師支出居方伯金
蟬左貂朱旗曲蓋纒臨蜀郡即聞來暮之謠初踐益州已
聽中和之樂七年詔遷銀青光祿大夫行恒州刺史西街
畢昂北岳恒山天開太一之宮地列并州之鎮境分靈壽
魏將樂羊之所封邑對行唐趙王惠文之所築公政成暮
月風行萬里鄧晨一郡漢地稱爲主人李廣數年匈奴號

爲

集作

飛將行嘗計日郭伋不負於童兒郡異中平王觀

無私於任子既導德而齊禮亦勝殘而去殺三禾在殿將

拜鄭弘兩鴈

集作

隨車坐悲虞國享年若干以十五年冬

十一月二十五日薨於洛陽之清化里公家

集作

傳將相

世

集作

有忠貞屬離

集作

亂之弘多值風

集作

雷之草昧

河宗兩日負鼎而謁成湯渭水七年垂釣而逢西伯將軍

再命刺史三遷種曷藥巴牧人之良翰集作龐參虞詡將

帥之宏規立事於當年揚名於後代兄國印穀州刺史

字二

集作

同

弟國稀仁州刺史荆枝擢秀棣萼生光何止平輿

之二龍是爲賈家之三虎唐虞之際四岳分居趙魏之間

八男爲郡公雖勲參締構位惣班條金友玉昆良田廣宅

而能吐食

集作

下士倒屣迎賓無笑客之美人有拜賓之

童隸策名委質善始令終生當封侯克成丈夫之志死而

可作無忘事君之道越十六年二月二日葬于集作伊闕

縣之萬安山詔贈雜物百段給儀仗往還禮也亭連長樂

城枕高都守關塞者汝寬適伊川者辛有北瞻洛汭尚想

元亮集作之墳東望邢山依然國僑之墓夫人陽翟縣君

河南褚氏即太常卿陽翟侯亮之女中書令河南郡公

遂良之妹也宋公子之流派集作褚先生之苗裔弘婦人

之禮傳淑女之詩有文在手歸於魯國有鳳和鳴適於陳

氏邑之石窳縣以封丘夫尊於朝妻貴於室仙人暫別初

悲寡鶴之聲寶劍纔分終合雙龍之氣以某年月日薨於

某所越某年月日祔于集作建昌公之舊兆長子師本太

穆神皇后挽郎襲建昌公歷韓王府祭酒岐州司士叅軍

定州安喜縣令魯聞州里學富丘山以卿子而為郎以象

賢而開國朝遊楚澤暮宿燕宮東臨石柱雍為積高之地

右會長星唐是中山之邑出遊隣國不以陪臣見朝上謁

邦君不以屬官相待洛陽朝覲適見雙鳧東都墓田行悲

駟馬以某年月日終於某所越某年月日即陪葬於先兆

次子師表左千牛備身遷尚輦直長歷許州臨潁博州堂

邑滄州樂陵縣集作州萬安果州西充五縣令能傳祖業

克嗣家聲有言偃之文章兼仲由之政事晨陪紫極繞鈞

陳之六星旦奉黃麾屯玉車之千乘至若繁昌土宇魏文

帝之墀壇堂邑隄封漢陳嬰之侯國河分九道渤海東臨

江派五津崑崙北指莫不愛人以禮為政以德鍾離意之

禁暴不用尺刀集作公孫述之有神能持五縣次子師立

雋州都督府臺登縣丞次子師楚夔州都督府雲安縣令

芝蘭有秀羔鴈成行滇北數十君莫大邛都之縣巴東七

百里唯有巫山之峽言其縣職黃夔一作龍入於闕門叙其

宰人邑集作鸞鳴翔於學舍成能生盡其孝集作喪集作盡

其哀積粟萬鍾思負米而何集作可集作得棖題三尺泣吾親而

不見卜其宅兆麟鳳匝其岡巒陳其簠簋春秋變其霜露

思傳舊德式建豐碑戴安道作頌於鄭玄蔡伯喈披文於

郭泰魏武王讀而稱妙非所望焉夏侯湛見而陋之固其

宜也銘曰

厥初兮石稷導生人兮知集無此字稼穡降及兮文王精翼日

兮衣青光平東遷兮邾邾晉上賓兮帝鄉秦三將兮繼代

漢五侯兮克昌比狼集作是山兮峻極等淮水集作海兮靈長

唯祖考兮鼎盛佩金章兮疊映彼山川兮降靈生玉樹兮

青青盛張良兮昴宿乘傳說兮箕集作尾星出忠兮入孝武

締兮文經陳嘉謀兮制千里橘藻思兮校天庭有隋兮喪

亂土崩兮瓦散皇運兮權輿人神兮攸贊值笙鏞兮變響

屬天地兮貞觀河兩日兮事殷井五星兮歸漢帶長劍兮

睇擘擁幡旌集作旗兮照爛周命兮惟新雲雷兮尚叱控東

南兮荒憬負江海兮未賓陳禮樂兮命使動輜車兮鞶鞶

用蛇符兮澤國頌武節兮山人專一方兮革面重九譯兮

稱臣天垂兮星紀地連兮交趾山草樹兮潛移蜃樓臺兮

鬱起遷合浦兮太守為廣州兮刺史歸漲海兮明珠飲石

門兮貪水俚沖天兮八翼代出身兮萬里全蜀兮奧區枕

邛笮兮倚巴渝有靈臺兮古跡有充國兮舊都豐貂兮左

珥介士兮前驅潘三刀兮持節昌兩日兮剖符降鳴鳩兮

大夏騁神馬兮長衢畢昂兮分野蘭臺兮四下漢皇帝兮

國都耿將軍兮壇社若恒山兮詔鄧猶朔方兮命賈李北

平兮漢飛郭并州兮竹馬瞻太階兮坐躡惜天年兮不假

伊大姓兮潁川有美人兮嬋媛桂生兮因地女嫁兮因集作移

天見乘龍兮冉冉觀飛鳳兮翩翩知遽瑗兮有禮笑虞丘
兮未賢始銜悲兮晝哭終共盡兮千年卜龜謀集作龜應龜兮
習吉陳旨酒兮嘉粟車徒儼兮在門旌旆紛兮竟術循洛
橋兮南渡從國門兮右出樹蕭蕭兮有風雲慘慘兮無日
指丘陵兮一閉與天地兮相畢悲孝子兮純深孰憂思兮
可任訐高天兮泣血踏厚地兮崩心樹碑兮神道無媿兮
詞林歷陽之都兮水沒圓嶠之海兮山沉俾外孫兮幼婦
生白玉兮黃金

文苑英華卷第九百十九

登仕郎胡柯 鄉貢進士彭叔夏 校正

文苑英華卷第九百二十

碑七十七 神道三十八

職官二十八 刺史二

後周青州刺史齊貞公宇文彪碑一首

唐贈荊州刺史成知禮碑一首

唐維州刺史安附國碑一首

唐河州刺史冉寔碑一首

後周青州刺史齊貞公宇文神道碑

楊炯

惟黃帝大電之精以太清而張樂惟高辛招搖之象以入
事而紀官於是乎生我司徒敬敷五教翼贊虞帝而咸熙
庶績惟殷湯受天明命以統九有之師惟微子崇德象賢
以爲萬邦之球於是乎生我丞相約法三軍光輔漢室而
威加四海大齊宣皇帝商周之日號西伯以稱臣太祖高
皇帝堯舜之朝避南河而革故司空臨川獻王懿親明德

論道經邦中庶子平樂侯開國承家丹書白馬於是乎生
我齊貞公惟魏之寶惟周之翰開上帝而格天地集作皇天燮
陰陽而平水土詳求典載歷選台衡或大澤而康帝圖或
高丘而濟王業諸侯五百伊尹出於庖厨甲士三千太公
起於屠釣未有上從軒后下及今集作全齊聖主明君三居
域中之大帝師王佐累極人臣之重古所謂歿而不朽者
抑斯之謂與集作乎公諱彪字明後蘭陵人也即宣帝之玄
孫高帝集作皇之曾孫臨川王之孫平樂集作陵侯之子稟神
廟集作恭厚讓當時以為達人宣慈惠和天下謂之才子屬三
方鼎立九土星分祿去公朝失諸侯之盟會政由梁國建
天子之旌旗士女同難於商墟鬼神共謀於曹杜公杜門
屏跡心不自安與門生故吏數百人歸於後魏宣武皇帝

以客禮待之詔除給事中假龍驤將軍正光五年兼彭

城府長史假節則將軍比於王濬長史兼於杜襲龍驤

可畏晉后任之於集作以渡江騏驎不集作所乘魏氏集作皇託之於

集作以留府六年除通直郎散騎常侍中書侍郎永安三年

帝北巡遷撫軍將軍銀青光祿大夫散騎常侍散騎通直

起於天興之元中書侍郎始自黃初一作廷和之代宣王撫軍

之號僕射光祿之名竒才惣於文武重任歸於將相徐方

叛逆以公為行軍長使兼統別部仍加鼓節彭城宋邑海

岱徐州嶧陽孤桐羽吠夏翟昔稱都會今實邊陲魯伯

禽始得專征周穆王遂行天討公手執旗鼓坐謀集作入帷

幄以陶侃部分之明當阮孚戎旅之重有如荀美獨負逸

群之材不學江道空有連鷄之稱集作喻徐州平遷黃門侍郎

揚州大中正黃龜鶴集作靄靄青瑣沉沉有若張公之萬戶千

門博觀圖籍太湖為浸會稽為山有若荀勗之十郡一州
詮藻人物累遷大司農秦稱內史漢曰司農管吾陳不涸
之名耿壽昌立常平之議時播百穀后稷讓於虞集作唐
書阜成兆民集作人列卿拜於周典普泰元年遷車騎將軍
加右光祿大夫永熙二年出為潁川守太人集作地稱汝潁俗
尚申韓有鄭伯集作國之別都有周公之朝邑教之德化無
囚歷於八節集作三年任於集作以賢能旁潤踰集作餘於九里于時
齊武王居中作相實有遷鼎之謀周太祖在外持兵深
懷事君之道昭公失位由季氏之執權襄王居出成晉
文之霸業三年秋八月武帝幸長安以義兵從順大統元
年授開府儀同三司封靈縣開國子邑三百戶金堤石印
清濟濁河爰賜土田以為藩屏漢之宰相始開封邑周之
列辟集作侯實兼卿士二年拜車騎大將軍九年遷五兵尚

書十年遷中書監領驃騎大將軍加開府儀同三司進爵
為公增邑一千戶天子有詔不入軍門匈奴未滅不營私
第蔡謨兼五兵之署集作省鄧隱比三台之儀掌中書之論
翰加上公之冕服十六年遷侍中驃騎大將軍以下並如
故昔惟常伯今則侍中切問近對拾遺補闕冕旒無象先
問顧和集作玉佩不存即銜王粲廢帝後二年公不賀出
為使持節華州刺史侍中並如故挑集作碓林國邑太荔城
隍三秦六輔之輿區五丘四瀆之襟帶倪寬之為內史唯
事漑田薛宣之守馮翊但知拱默集作岳拱尋加持進餘如故
官品第一朝廷集作讞所敬辟吏如五府之間班列在三公
之後唐虞之繼文德也稷契謨明於兩朝魏晉之順大名
也裴王建功於二代周武成三年進封青州齊郡公邑二
千戶賜號東岳先生詔曰堯有四岳朕惟公一人賜雜綵

二千段甲第一區雍州良田百頃其優禮如此堯命羲仲
皇鳥嶠夷之官周賜姜牙穆陵無棣之境三王不襲同盟
固於太山百代相因舊國傳於負海惟保定四年公薨於
長安私第天子罷朝群臣赴弔喪用官給嗚呼哀哉五年
贈少保使持節揚光桂三州諸軍事揚州刺史謚曰貞公
禮也公少丁外艱州黨稱其孝齊武皇帝見而歎曰可謂
吾家曾閔外祖太尉公王儉謂其子侍中騫曰成汝宅相
者在此孫乎公之北歸也後魏宣武帝勅曰昔微子去殷
項伯歸漢卿又得之於今公涕泣橫流跪而對曰臣家國
不造鼎祚淪亡進不能匡正退不能死節今後據作託身
有道何敢比德古人帝因此重之及周太祖作相西朝王
侯以下皆望塵而拜公與之抗禮太祖尤相敬待屢有諮
詢據作嘗從容曰國家之子房也公體淳和之至性負廊

廟之大才孝通神明忠定杜稷馬伏波來遊二帝晏平仲
能事百君在魏則賈詡荀攸在周則太顛閔天惟司徒堯
慎厥始惟丞相堯和厥中惟公載德堯成厥終三后同其
政道子孫訓其成戎輝光取於日月德績橫於宇宙以某
年月日葬於少陵原國遷三代年移十紀杜當陽之碑石
沉漢水而無聞仲山甫之鼎銘入匈奴而不出曾孫皇朝
右金吾將軍同州刺史德照宏才大節玉振金聲入當天
子之右軍出臨帝京之左輔承積善之餘慶襲大宗之不
遷願述家風思傳祖德是用勒銘刻石一作勒相質披文
載於景鍾大夫稱伐之義書於太常諸侯計功之道追
題瓦屑鄭康成北海之門重刻碑陰張采子南陽之墓
其詞曰

黃帝攝政勤勞耳目舉于版泉

集作軒轅戰集作

于涿鹿成

湯黜夏登壇受福表正萬邦纘禹舊服其一逮乎微子周之

國賓降及蕭叔宋之懿親高祖丞相王跡是因宣皇御史

杜稷之臣其二太陰所立皇齊誕聖既創元基仍集大命謀

孫翼子重熙累盛天祿末終南風不競其三惟公載誕克嗣

家聲千文多節三年一鳴待時而動以族而行材歸晉國

壁入秦庭其四符堅拜首降天之使陶豫策名動王之事任

隆起草榮高近侍赫奔禁門雍容貂璫其五日暮青瑣夕郎

之職法駕畢陳黃門次直帝五之盛成其六在農殖如京

如坻我黍我稷其六吳王舊國採山鑄錢公為中正佩以常

絃夏禹遺跡今來潁川公為太守示以蒲鞭其七齊稱東帝

周稱西伯其八諸侯謀王天子下席公子

其九忠義如彼松柏其八發自新邑歸于陸海魏德雖衰天

命未改功成晉鄭為而不宰寵茂山河於是乎在其九亞夫

真將去病元勳持兵對楫絕漠行軍尚書武庫抑有前聞

侍中重席曾何足云其十當途遜位有周經野其二集作國唐

虞其十一兩朝裴賈出守馮翊人無訟者受封于齊實臣天

下其十一晨占赤烏其十一夜辨黃熊曾參易筮期於令終子

囊城郢沒有遺忠明君其十一輟祭群臣會同其十一黃屋左

轟輕車介士朝發桐鄉暮歸蒿里積善餘慶由來尚矣公

侯其十一子孫必復其十一

唐贈荊州刺史成公神道碑

前人其十一

成氏之先有周之後姬文受命三十八王邠伯象賢二十

一代漢之火府國家維城晉之廣揚王室藩屏公諱知禮

其先上谷人也子孫避地徙于

曾祖休寧後魏汾州

刺史齊特進左右衛大將軍宇文朝江州刺史隋城陽驛

公謚曰武勳格皇天澤充區域該備寵榮兼包命賜祖少

遐北齊民曹郎中字文朝地官上士襲城陽公建國之屬
以訓五品以親百姓父君綽隋金紫光祿大夫唐深州刺
史上柱國天子大夫金章紫綬天王使者卓蓋朱輪公誕
保靈和受茲介福講之以學合之以和純粹以積其中文
明以宣其外出於口者必是先王之言萌於心者莫非君
子之德戒慎乎其所不觀恐懼乎其所不聞豈時止時行
左宮右衛在朝濟濟在家雍雍祗服弘業克丕堂構襲城
陽公歷箕州平城洺州邯鄲二縣令武鄉里閑榆社隄封
公宰平城日宣三德悲歌相聚袷服城羣分宰邯鄲雷震
百里儀刑嘉誨範乎人倫令問廣譽塞乎天壤將蹈九列
平三階豈意一作群生或非大和交薄而天道難謀降年不
求春秋若干以某年月日終於某所夫人宜城縣主聖神
皇帝之堂姊王姬外館之長女夫人道峻於閨房名耀於

邦國我大周叙洪範作武成大賚而萬姓悅禹拱而天下
理發號惟舊制贈荊州刺史生財唐堯不用沒則周武追
封爲龍爲光有始有卒立名於後以顯其親反葬於周不
忘其本以某年月日歸葬於某碣石恒山燕南趙北禮儀
光備宗族相臨大夫弟栢子之喪天子歸惠公之贈遽瑗
之葬不害良田孔立之塋不生荆棘長子司衛少卿兼檢
校魏州刺史太辯中子左鷹揚將軍太方少子朝議大夫
行司漢主簿太琬等門承四代德盛三賢有終身之憂盡
生人之本璽冊褒贈宜宣無窮景鍾勒銘若古有訓嗚呼
哀哉其銘曰

神岳之英大川之精如山之陵如流之清行之斯立言之
斯成登車發耀在邦有聲傳于舊國舊國惟平宰于二縣
二縣惟寧余聞舊說天鑒孔明誰謂靈誕喪落淑貞未錫

不匱克揚其名冊書光寵沒有餘榮系曰列皇垂象兮
天光白露爲霜兮露人裳彼蒼天兮殲我良列皇垂象兮
炳天暉白露爲霜兮露人衣九原可作兮吾與歸

唐維州刺史安侯神道碑

李至遠

夫招搖東指寰區識天下之春溟漲北臨川谷有朝宗之
地況乎皇明發而萬物覩天衢亨而四隩宅故以驟險浮
深同文協軌者也若乃壤隣驕子家號明王握葱野之瑰
竒漱蒲源之粹液井蛙自許既累嗤於越子風鴻且遇仍
嗣美於柁侯則大將軍安侯其人矣侯諱附國其先出自
安息以國爲姓有隋失馭中原無何疑突厥乘時籍碓沙
漠侯祖烏喚爲頡利吐發番中官品稱爲第二王庭雖踞方
冠射鵬之勇帝鄉何遠空鬱衝牛之氣父肱汗望日月於
中衢奮羽毛於邊服勢同鵠起劫隨豹變貞觀初率所部

五千餘人朝詔置維州即以肱汗爲刺史拜左武衛將軍
累授左衛右監門衛二大將軍封定襄郡公寄等連城榮
超合壘析圭胙土時議稱之朕運偶千年才標一日服太
阿而善斷覽介石以知機有顧鶉籠實懷先覺迺心鳳宸
奚歎後予於是接跡沉沙翻飛霄漢亦以貞觀四年與父
俱詣闕下時年一十有八太宗見而異之即擢爲左領軍
府左郎將尋令與馮臚丞趙德楷諭旨於吐谷渾虜安鷄
鷄之巢敢恃螳螂文斧旅拒成命逼迫行人遇困加威賈
舉步逢艱阻侯以命有所繫靜以體之節不可失貞以守
之雖絃矢屢移而鐵石無改旣而佳兵一盪凶氣四徹竟
獲全歸僉以爲蘇武鄭衆不獨高於前代矣爾璽書歎述遷
本府中郎將賚布帛五百段又加秩爲忠武將軍行本職
十九年太宗揚鑿斬是撫清海俗於三韓蹕聊麾駭天聲於

六漢侯功叅末將績預深洎元一作詔論功授上柱國封驃
虞縣開國男食邑三百戶末徽元年拜右領軍將軍餘
如故荷元天之廣運承湛露以晞陽蒲壁開南面之尊蘭
錡盛北軍之寵門驅駟馬匣紐雙龜薄暮歸來光輝不獨
於三子辨色而入前後方叅於五侯疊蓋流軒徽疑枚及
業足以震輝都鄙謳謠氓庶尋丁定襄公憂執喪無替於
少連讓爵自先於李扎及其字人按部和風布政使幼艾
不懷酋渠不驚非樹其長莫諳其俗以此高乎兼本官復
拜爲使持節維州諸軍事維州刺史朝咨良牧之能物喜
吾君之子入處戎政縟共宿於皇廬出變夷歌扇重暉於
日域龍朔中隨府易名政疑作爲左戎衛將軍總章年進
爲右戎衛大將軍刺史勲封並如故日觀崇巖雲封峻宵
三五之聲已邈八九之跡難追天子潔壇場疏圭璧報功

崇德騰茂實於石閭侯亦勵熊羆金鼓前清後禦罄忠
勤於玉帳咸亨初追討斯開仍本封進爵爲子加邑四百
戶方當降錫上鑄行昇右地嘯洪崖而自狎揖浮丘以曾
舉而殷相肇夢晉寢成妖古謝今形仙禽致是非之歎寒
疑暑退大椿屬搖落之期衰哉奄以調露二年二月十八
日寢疾終於神都春秋八十有三末隆二年二月二十三
日葬於雍州長安縣孝弟鄉之原禮也惟侯緒茂膏粱基
循鼎胄絳河潛潤每爭傾都之寶丹野成章必冠矯群之
翼弱便英邁長實弘遠劔連三術導蒙史一作是以前驅德
包五善揖楚臣於下席從吾所好方盡銳於戈矛在物或
遺故無資筆硯加以動會規措性非因習泣畫象於離宮
其資孝敬感飛泉於異域雅蹈忠誠利以義通功以濟
物故能夙攀閭闔亟奉鈞鈴効心膂於中年享高明於暮

景左右深率從之奇始終無纖芥之隙行師則訓兵以律
受任則執禮無違非才優體二道恭感一惟微惟贖至公
至平者疇能與於此哉悲夫琴心輟奏去高堂而不留筮
氏觀龜創幽窆而期兆鼓秋風於古樹惟識將軍思白日
於荒隣空懷中散賓禦膺疑兮寒野暮池館靜兮浮雲陰
可作無時與歸何想長子故右玉鈴衛將軍北平縣公思
祇一作渠身淑慎流聲奕葉敏系滋遽委危露先飄次子魯
州刺史思恭等趨表闕以擗心涉禮庭而收泗薦蘭之誠
徒功集羨之哀求萃思所以髣髴一作形容揄揚清懿託
好詞於廣陌播雄名於大隧迺為銘曰

閔風秀迴河氣靈長於昭化毓實廷英芳稜飛玉塞勢軼
沙場家承有土柝歷無疆分源何從揚旄南入一作剗枉
荒庭殺凶大邑孝乎何取忠焉是襲花綬遙遙雲冠岌岌

敷命河首逢羈海裔雲天變色鄉關無際虎噬徒交壯心
益勵卒延哀謙豈嗟拘滯作固蘭陞仍分竹符盟申帶礪
禮盛傳呼巖廊夕警秘宇晨趨還便後殿出必前驅本技
隱敲宣條末瘼惠起人謠清惟主諾野乃聞勞門非籍惡
是聽夏聲諳知戎落旋增厚秩亦追崇封逸豫斯一作邑
車服以庸庭紛舞籥室韻歌鍾寧悲具景遽落高峯梁木
一作季應悲井田俄殞廣川去揖脩途廢軫倏兮已喪蕭兮
而盡神乎不測天乎何忍末背青臯即安玄夜泉臺構壤
山門反駕野吹方噎榮輝不惜德雖隆於九原神豈奄於
萬化

唐河州刺史冉府君神道碑

張說

昔者堯舜既沒文武將墜天縱孔聖誕敷皇極於是乎恢
六藝而正王道舉十哲而闡微言雍也為德行之目求也

爲政事之首吾見乎龍翰鳳音集作百代而共貫虎符犀節
重世而增華明德之後知其必大公諱寔字茂實其先魯
國鄒人也古天子有相氏宅于相土實曰冉姓蓋氏族之
興舊矣不常厥所今爲河南人焉五代祖睢陽公諱道州
尚齊南康公主位平南將軍散騎常侍荊州刺史信州都
督高祖諱珍仕梁太子左內率荊州刺史使齊梁之間荆巫
重鎮世善其職江漢冝之曾大父義城公諱黎在梁雲麾
將軍湖州刺史入周拜驃騎開府儀同至隋開皇中爲旭
州刺史大父黃國莊公諱安昌隋啓平城柞之穀壁唐分
蜀國瑞以栢珪其後改封於黃授信州刺史歷潭州惣管
贈夔州都督烈考天水郡果公諱仁才秩金紫光祿大夫
婚皇室漢南縣主涇浦疑作澧袁江集有永凡六州刺史
偉矣哉承家善慶歷代名臣風流載於史官勲業藏於王

府公即果公季子天王自出內稟胎教混成之姿外被門
風武瞻之訓從容合度造次皆法生而知之孝悌也學而
知之禮樂也德義如山文章如泉搢紳之士仰焉宗焉弱
冠太學生進士擢弟遭家不造府君楨館五日絕漿三年
泣血雖麻葛就禮而樂棘加入服闋調并州大都督府參
軍事丁太夫人憂過哀終喪有如前制應八科舉策問高
弟授綿州司戶參軍轉揚州大都督府倉曹參軍又舉四
科敷言簡帝除益州遵江縣令鴻漸二鎮翰飛三蜀府中
之孫子荆郡內之岑公孝用能據淮距海我庾如坻岷山
導江入境先歎加朝散大夫除鄜州長史仍加關內道支
度使去青城之洞府來白帝之廊祠命服有輝使車何重
除婺州司馬入謝于武成殿主上以邊庭有事喜問陳湯
宣室清言思逢賈誼公上集作對醞藉謀慮深長眷甚前

席恩加後命因改恒州長史于時四鎮未復三集作蕃猶

梗屯田遠塞戎馬生郊代郡藏符臨冀北而誠重漢家張

掖北西河而還輕乃徙拜涼州都督府長史仍知赤水軍

兵馬河西諸軍支度使地壯伏龍城雄飛鳥位居半刺使

惣全邊公乃利溝洫懋蔗菜庠交藁積糗糧均轉輸程力

役寬御悅使授方氣集作映集作非集作威集作興集作辦集作矣集作速集作地集作磧集作路集作沙集作囊

革集作道集作雖金方氣候集作映集作風雨集作不交之地磧路沙囊草

木不植之所莫不豐滯穗於垆牧馱甘瓜於戎時朝廷賴之

遷使持節河州諸軍事河州刺史仍知營田使崆峒連五

郡之壤積石控九河之源公夙奉皇華政聞行路集作露

高車未至闔境相歡既見君子温其如玉率性仁愛由衷

易簡推是心也物感斯應覩恭肅而無競見禮義而興行

不言而庶事熙非教而群下頌故得大田多稼入和歲豐

餉軍廩師處勤餘裕計偕入朝侍宴於長壽殿上謂公曰

河州軍鎮要衝屯田最多卿以足食為心朕無西顧之憂

矣侑以綵幣錫以文袍集作及公還州也璽書勞勉王人

相繼國家經集作流沙梁若水收西域護南庭連百萬之

兵以濟事於外不一日而乏者則公之力也無駭入極可

謂費庠父勝之杜預平集作無蓋知羊叔子功爾宜登元老作

貳天朝止于邊服實孤人望享年七十有一證聖元年二

月十日寢疾終於官舍天子悼焉凶費喪歸悉命官給是

日河湟耆老山谷羗夷反首務面號奔州邑雖國王子產

吏哭祭遵豈能集作過也愷悌之化且之父母及其沒也
哀淑如之信矣夫夫人金城郡君隴西李氏江夏王道宗
之女也宜此象服爛其盈門嗣先姑之徽音立庶姬之範
則葬華前落藁瘞城隅以證聖二年正月合葬於河南之

定鼎原禮也天使悲啓滕公之室人看鶴舞閉玉女集

王之墳松柏獲禁龍初權薩對世廉關石麟將闕華表何

年有子曰祖雍景龍初擢給事中兼侍御史內供奉追惟

皇考孝于奉親忠于事君共于立身惠于臨人愬是四行

旁通具美貽厥孫謀以宴翼子故老之口既絕竹帛之文

又滅揚名兮奈何刊石兮來齋詞曰

倬哉冉氏世有仲弓鐵冠繡服給事于中克昭遺懿樹之

家風於皇嚴考高名有融德罔不遵藝何不涉嗣式先正

思文載叶建旗千里逮君六葉龜顧印房蛇盤綬篋官以

勤積業因時峻宰號神明掾稱親信驥足既展熊軒集作亦

朝邦國海康京師柯潤出車西域我君謨集作之屯田北

假我君獲之六軍有饋其誰度之一人無憂其誰樂之猛

獸避德均遷所莅靈鳥依仁霸昇執事以今視茲名齊績

類天不憖遺山頽此位隴首迴望秦川斷腸吏人攀縶哀

鴈隨喪虛靈奠野行臨帷堂廟立邊郡塊歸故鄉王姬附

葬禮之終也水合蛟龍墳同石馬地積霜露煙攢松檟千

載九原高碑淚下

文苑英華卷第九百二十

登仕郎胡 柯 鄉貢進士彭 叔夏 校正

己卯六月二十四日夜過



Vertical columns of text in a traditional woodblock print style, arranged in a grid. The text is mostly illegible due to fading and the large watermark.



